



續文獻通考卷之一百八十七

皇明進士雲間王圻纂輯

木書考 書評

李斯小篆入神大篆入妙梁昇卿善小篆呂總云如落玉垂珠皆得其妙唐李陽冰善小篆自言斯翁之後直至小生

崔瓊善章草師於杜度而媚輒過之點畫精微神變無礙王隱謂之草賢張伯英尤善章草韋仲將謂之草聖張旭章草類伯英時人謂之亞聖

衛恒曰漢章帝時齊相杜伯度善章草後有崔瓊崔實亦皆稱工杜氏結字甚安而書體微瘦崔氏甚得筆勢

而結字少踈弘農張伯英者因而專精其巧凡家之衣
帛必書而後練之臨池學書池水盡黑下筆必爲楷則
常曰匆匆不暇草書寸紙不見遺至今世尤寶其書韋
仲將謂之草聖伯英弟文舒者次伯英又有姜孟穎梁
孔達田彥和及韋伯將之徒皆伯英弟子有名於世然
殊不及文舒也羅叔景趙元嗣者與伯英並時見稱於
西京而矜巧自與衆頗惑之故伯英自稱上比崔杜不
足下方羅趙有餘河間張超亦有名雖與崔氏同州不
如伯英之得其法也 袁昂又言以張爲祖以衛爲父
索范者伯叔也二王父子可爲兄弟薄爲庶息羊爲僕
隸

漢時八分稱宜官爲最魏鍾繇書最妙者八分有魏受禪
碑爲最或云隸尤得八分之精微唐韓擇木工八分師
蔡邕法風流閑媚號伯喈中興

鍾會尤工隸書飄然有凌雲之志唐太宗工隸書師虞世
南嘗患難於戈法一日書戩字乃空其戈世南取筆填
之帝以示魏鄭公曰朕學世南似盡其法鄭公曰仰觀
聖作惟戩字戈法頗逼真上深嘆其藻識

吳張敬禮善飛白以爲飄若浮雲激如驚電晉王廙善飛
白若鷗鷺之翅羽旌旗之卷舒王逸少飛白猶霧縠卷
舒煙空炤灼長劔耿介而倚天勁矢超忽而無地爲飛
白之仙蕭侍中飛白瑩淨可愛取掃帚沾泥汁中以書

續文獻通考 卷之二百八十一
壁爲方丈一字晦曖斐豐極有體勢

王右軍裁成之妙煙霏霧結狀若斷而還連鳳翥龍蟠勢若邪而反正又云羲之尤善草隸論者稱其筆法飄若遊雲矯若驚龍

王獻之字勢踈瘦如隆冬之枯樹荷東如嚴家之餓隸其枯樹雖槎枿而無屈伸其餓隸雖饑羸而不放縱又曰王子敬隸行草章草飛白五體俱入神入分入能

衛瓘索靖俱善書時謂瓘得伯英之筋靖得伯英之肉蘇東坡曰筆成塚墨成池不及羲之即獻之筆禿千枝墨磨萬挺不作張芝作索靖

齊高帝嘗與王僧虔賭書畢帝曰誰爲第一對曰臣書臣中第一陛下書帝中第一或云帝問我書何如卿答曰臣正書第一草書第二陛下草書第二正書第三臣無第二陛下無第一帝大笑曰卿善爲辭

陳蕭引善書宣帝嘗披奏事指引署名曰此字筆勢翩翩似鳥之欲飛引謝曰此乃陛下引其羽毛耳

唐褚遂良以書自名嘗問虞世南曰吾書何如智永答曰吾聞彼一字直五萬君豈得比遂良曰孰與詢曰吾聞詢不擇紙筆皆得如意君豈得比遂良曰然則何如曰君若手和墨調足可貴尚遂良大喜

柳公權書法結體勁媚自爲一家文帝命題殿壁嘆曰鍾王亦無以加之嘗書京師西明寺金剛經有鍾王歐虞

褚陸諸家法自以爲得意

張素草工瘦張長史草工肥瘦硬易作肥勁難工此二人
一代草書之冠冕

黃山谷云張長史即官廳壁記唐人正書無出其右所以
度越諸家無轍迹可尋可謂入筆墨三昧

懷素善書自言得草聖三昧

東坡曰智永禪師書骨氣深隱體兼衆妙精能之至反過
疎淡歐陽率更書妍緊拔群尤工小楷褚河南書清遠
蕭散微雜隸體張長史草書頽然天放畧有點畫處而
意態自足號稱神逸今世稱草書者或不能真行此大
妄也今長安有長史真書即官石柱記作字簡遠加晉

宋間人顏魯公書雄秀獨出一變古法如子美詩格尤
天縱奄有漢魏晉宋以來風流後之作者殆難復手柳
少師書本出於顏而能自出新意一字百金非虛語也
東坡又曰歐陽文忠言蔡君謨獨步當世此爲至言君謨
行書第一小楷第二草字第三大字爲少疎也

仇池筆談曰楊凝式筆蹟雄強往往與顏行相上下今世
多稱李建中宋宣獻書宋寒而李俗殆是浪得名惟蔡
君謨書姿格既高而學亦至當爲本朝第一

朱子嘗曰字被蘇黃胡亂寫壞了近見蔡君謨一帖字字
有法度如端人正士又曰山谷不甚理會得字故所論
皆虛米老理會得故所論皆實

元趙孟頫不惟善畫其篆隸小楷行隸書惟意所欲爲皆能伯仲古人妻管氏諱道昇字仲姬亦工辭翰善畫子雍亦能繼其業仁宗嘗彙集所書藏中秘曰使後世知今朝人臣一家書學有如此者

梁武帝書評

李斯書世爲冠蓋不易施評崔子玉書如危峰阻日孤松單枝有絕望之意蔡邕書骨氣洞達爽爽有神張伯英書如漢武愛道憑虛欲仙亭亭如雲中明月灼灼如水中初蓮曹喜書如經綸道人言不可絕邯鄲淳書應規入矩方圓乃成師宜官書如鵬翔未息翩翩自逝梁鵠書如太祖忘寢觀之喪目韋誕書如龍威虎震劍拔弩

張鍾繇書如舞鶴遊天飛鴻戲海行間茂密實亦難過又云鍾司徒書有十二種意意外殊妙實亦多奇皇象書如歌聲遶梁琴人含微索靖書如飄風忽舉鷲鳥不飛衛巨山書如插花美女舞笑鏡臺孟光祿書如崩崖人見可畏王右軍書字勢雄強如龍跳天門虎卧鳳關故歷代寶之未以爲訓王獻之書如河朔少年雖有充悅而舉體沓拖殊不可耐王儀同書如晉安帝非不處尊位而都無神明桓玄書如快馬入陣隨人屈曲豈須文譜羊欣書如大家婢作夫人雖處其位而舉止羞澁終不似真薄紹之書如舞女低腰仙人囁樹乃至揮毫振紙有疾閃飛動之勢孔琳之書如散花空中流微自

得張融書如辦事對揚獨語不因行必會理又云如戰
馬入場不避戈矛踈落縱橫惟粗快耳王僧虔書如王
謝家子弟縱復不端正爽爽有一種風氣阮研書如貴
胄失品不復排突英賢陶隱居書如吳興小兒形狀未
成而骨體甚峭范懷約真楷有力草書無功故知簡牘
非易殷鈞書如高麗使人抗浪甚有意氣滋韻終乏精
味徐淮南書如南岡士大夫徒好尚風範終不免寒乞
吳施書如新亭傖父一往揚州逢人共語便音態出柳
產書如深山道士見人便欲退縮程曠平書如鴻鵠高
飛弄翅頡頏又如輕雲忽散乍見白日李鎮東書如芙
蓉出水文彩鏤金李巖之書如鏤金素月屈玉自照蕭
子雲書如上林春花遠近瞻望無處不發又云如壯士
彎弓雄人獵虎心胸猛浪鋒刃難當顏倩書如貧家奠
果無效可受少乏珍羞蕭特書雖有家風風流勢薄猶
如大小王安得相似也王彬之書放縱快利筆道流便
郗暉書縱橫廓落大意不凡而得體未備郗愔書得意
甚熟而最妙時難踈散風氣不無雅舊庾肩吾書畏懼
收斂少得自充王褒書悽斷風流勢不稱意

按舊有梁武書評袁昂書評然其文特小異耳中有梁
武作評甲而袁昂作評乙者殊為枘鑿茲畧刪定又昂
評不過二十五人今至四百四十餘人乃宋朱長文以
兩本會而錄之者也其為梁武為袁昂俱莫可信第備

雌黃家之一助耳

總記古今字學二十七家一百四十七人書勢五家

秦漢共六十人

李斯

程邈

胡毋敬

秦檠陽獄吏為太史令博識古文改大篆

趙高

秦中車府令善大篆

張敞

嚴延年

史游

司馬相如

孔光

爰禮

楊雄

武帝

劉白

陳遵

後漢杜陵人善篆隸每書驚座人謂之陳驚

杜休

字北山後漢扶風人位司空尤工古文

劉睦

衛密

字次仲東海人官給事工古文

劉黨

曹喜

扶風人後漢為秘書郎善篆隸書

杜度

京兆人字伯度章帝時為齊相始有草書之名

王次仲

後漢上谷人作八分楷法

班固

字孟堅扶風安陵人官中郎將大小篆入能

徐幹

字伯張扶風平陵人官軍司馬善章草書

賈魴

賈逵

左姬

許慎

字叔重汝南人官祭酒工小篆體

崔瓊

安平人字子玉後漢濟北相草書為時所尚

唐綜

曹壽

崔寔

崔瑗子官至尚書亦善草書字子真

尹跡

羅暉

京兆人字叔景與伯英同時以草書稱

趙襲

長安人字元嗣與伯英同時稱善草

張超

河間人字子並善草書官司馬

皇甫規

李巡

蔡邕

陳留人字伯喈後漢左中郎將善八分飛白

續文獻通考

七

張芝 弘農人字伯英高尚
蘇班 後漢南陽人大字方

劉德昇 善行書穎川人字君嗣

姜詡 英弟子善草書

張邕 字子綱廣陵人官侍御史善小篆

張絃 字子綱廣陵人官侍御史善小篆

毛弘 梁鵠弟子河南人字大雅善八分書

蘇林 字子邑東萊人官龍驤將軍善隸書

韋誕 京兆人字仲將魏鴻臚少卿善楷書

杜恕 父畿魏尚書僕射恕東郡太守子預俱善草隸

韋熊 字叔思晉陽人原州刺史善隸書

郭伯道 字叔思晉陽人原州刺史善隸書

魏吳晉宋齊梁陳共八十七人

魏武帝 曹操沛國譙人工章草

鍾會 繇子字士季魏鎮西將軍能學父書

吳大帝 孫皓

皇象 吳江都人善草書八分字休明

晉元帝 司馬攸善草行書字大猷即齊獻王攸也

張緝 來敏

何曾 字穎考陽夏人官太保工于篆草

陳暢 榮陽人晉秘書令史善八分

岑泉 張弘 吳人善飛白常着烏巾人號為張烏巾字敬禮

朱音 辛曠

傅玄 字休奕范陽人官司隸校尉善小篆隸書法

杜預 京兆人 荆州刺史 祖畿

滿爽

楊經 肇孫 善草隸

衛觀

河東人 字伯儒 魏尚書 僕射 善草書及古文

呂忱 字伯雍 工小篆

衛瓘

觀子 字伯玉 晉太保 學父書 參張芝法 為草藁

衛恒 善章草 亦善隸 子字巨山 亦

衛宣

恒弟 善隸草

郗愔 高平人 字方回 晉會稽 內史 善章草 能隸書

江偉

郗超 愔子 晉中書郎 亦善草 字景興

李韞

向泰

裴邈

王導 瑯琊人 晉丞相 善行 草 廩之從兄 字茂弘

阮咸

索靖 燉煌人 字幼安 晉征南 司馬 張芝姊孫 善草書

裴興

羊固 晉臨海太守 善行書

辟閭訓

張炳

庾亮

潁川人 字元規 晉太尉 善草行

庾翼 亮弟 字維恭 晉荆州 刺史 善隸行及草書

稽康

字叔夜 譙國人 官中散大夫 善草書

張越

羊忱

泰山人 晉徐州 刺史 善行書

荀爽 字長胤

王廙

瑯琊人 晉荆州 刺史 字世將 善飛白 章楷

李矩 汝陰太守 衛夫 人即其妻也

李式

江夏人 晉侍中 字景則 弟定子 公府並善隸草

王洽 恬弟 字敬和 晉中書 令 通衆書 尤善行草

劉伶

王濛 太原人 字仲祖 晉 左長史 能草隸

衛夫人

晉中書院 李充母 字茂猗 王逸少之師

李厥

王恬

導弟 第二子 字敬預 會稽 內史 最善隸草 二書

劉邵

王曠

逸少父 淮南太 守 善隸行草書

王羲之 字逸少 晉右將軍 會稽 內史 最精真行

謝安

陳郡人 字安石 晉 太傅 善隸行草書

阮籍

王修

濛子 瑯琊王 文學 字敬仁 善隸行

王循

王凝之

桓溫

任靜

桓玄

字敬道溫子善草法

王獻之

義之第七子字子敬晉中書令善隸行草飛白

宋文帝

彭城人即劉義隆善隸書次及行草

羊欣

獻之甥字敬元泰山人義興太守善隸行草

謝靈運

會稽人官侍中康樂侯子敬之甥善隸草

蕭思話

書法師羊欣蘭陵人官宋左僕射工行草

齊高帝

武帝

丘道護

書法師王子敬官相國主簿烏程人善隸

王僧虔

齊琅琊人曇首子書法師羊欣善隸草

梁武帝

即蕭衍字叔達蘭陵人善草書

簡文帝

元帝

邵陵王

庾肩吾

字叔慎新野人官度支尚書隸草入能品

陶弘景

字通明秣陵人隱居茅山善真隸行書

蕭子雲

字景喬晉陵人官侍中善草行小篆飛白

陳文帝

沈君禮

僧智永

陳永興寺僧會稽草書人妙隸入能

僧智果

隋永興寺僧會稽人求第善隸行草

梁庾肩吾書評

張芝

鍾繇

王羲之

右三人上之上

崔瑗

杜度

師宜官

王獻之

張昶

張芝弟字文舒時稱亞聖善章草亦工八分

右五人上之中

索靖

梁鵠

韋誕

皇象

胡昭

鍾會

荀爽

字長衛

阮研

字文機陳留人官交州刺史行草入妙亦善隸

續文大題考

衛瓘

右九人上之下

張超

郭伯道

劉德昇

崔寔

衛夫人

李式

庾翼

郗愔

謝安

王珉

即卯人洽少子字季琰
官中書令善隸行草

桓玄

羊欣

王僧虔

孔琳之

字彥琳會稽人官
尚書善草行

殷鈞

右十五人中之上

魏武帝

曹操

吳王孫皓

衛覲

左伯

衛恒

杜預

王廙

張彭祖

任靜

韋昶

字文休潁川刺
史善古書大篆

王脩

張昶

字子高漢平陽人
官京兆尹善古文

范懷約

吳休尚

施方泰

右十八人中之中

羅暉

趙襲

字元嗣

劉輿

張昭

陸機

字士衡
吳人

朱誕

王導

庾亮

郗超

張翼

晉穆帝時人
善學羲之書

康昕

胡人工
隸書

王洽

徐希秀

宋文帝

謝朓

字玄暉陳留人官吏
部郎中草書稱獨步

劉繪

陶隱居名弘景字通明

王崇素

右十八人中之

姜詡

果宣

魏徵字玄成

韋秀

鍾興

向泰

羊忱

晉元帝字景文

識道人

范曄

字蔚宗順陽人官太子詹事工草隸小篆尤精

宗炳

謝靈運

蕭思話

薄紹之

字敬叔丹陽人官給事中善隸行草諸書

齊高帝

庾黔婁

費元瑤

孫奉

王薈

羊祐字叔子

右二十人下之上

揚經

諸葛融

楊潭

張炳

岑淵

裴興

王濟

李夫人

劉穆之

朱齡石

庾景休

張融

字思光吳人官司徒左長史善諸體尤工于草

褚元明

孔敬通

王籍字文海

右十五人下之中

衛宣

李韞

陳基

傅廷堅

張紹

陰光

韋熊

張暢

曹任

宋嘉

裴邈

楊固

傅夫人

辟閭訓

謝晦

徐羨之

孔閭

顧寶光

周仁皓

張忻泰

張熾

僧嶽道人

法高道人

右二十三人下之下

唐李嗣真書後品

逸品五人

李斯

張芝

鍾繇

王羲之

王獻之

上上品二人

程邈

崔瑗

上中品七人

蔡邕

索靖

梁鵠

鍾會

衛瓘

韋誕

皇象

上下品十二人

崔寔

郝鑿

王廙

衛夫人

王洽

郝愔

李式

庾翼

羊欣

歐陽詢

長沙人官率更令飛白隸行草入妙

虞世南

字伯施會稽人官永興公隸行書俱入妙

褚遂良

河南人官河南公隸行二體俱入妙

中上品六人

張昶

衛恒

杜預 字元凱

張翼

和嘉賓

阮研

中中品十二人

謝安

庾昕

桓玄

丘道護

許靜民 高陽人鎮軍參軍善隸草

陶弘景

釋智永

蕭子雲

房玄齡

王知敬

劉珉

陸柬之 吳郡人筆法歐陽詢隸行入妙章草入能

中下品七人

孫皓

張超

謝道韞

宗炳

宋文帝

齊高帝

謝靈運

下上品十三人

陸機

袁崧

李夫人

謝朓

庾肩吾

蕭綸

王袁 周瑯琊人字子深官司空工草隸師蕭子雲

解斯彥明

錢毅

房彥謙

殷令名

張大隱

蘭靜文

下中品十人

范曄

蕭思話

張融

梁簡文帝

劉逖

王晏

周顒

王崇素

釋智果

虞綽

下下品七人

劉穆之

褚淵

梁武帝

梁元帝

陳文帝

沈君理

張正見

李嗣真九品書人論

上上十九人

夏禹作象形以銘鐘鼎

高祖神堯皇帝行

太宗文武皇帝行

至道大聖皇帝分

魯司寇文宣王大篆題延陵季子之墓八字存

周史史籀宣王時史官師模蒼頡初為大篆

仙人務光倒

秦相李斯上蔡人秦丞相始省大篆為小篆

後漢崔瑗篆隸草等書

後漢蔡邕篆隸八分

後漢杜伯度草

後漢師宜官正隸草靈帝好之懸於帳中及所在寢食處不忘也

後漢王綺正隸草

後漢梁鵠八分

後漢張芝自云上方崔杜不足下比羅趙有餘

魏鍾繇正書散隸

吳皇象八分

晉王羲之正書行草飛白

唐張旭小大草正書自得筆法晉王羲之傳永禪師未師但得其妙方自悟耳

但得其妙方自悟耳

上中十三人

秦程邈正行

漢蕭何署及草隸

續文獻通考

卷之三百八十七

一五

張祖

漢武帝正篆

後漢張昞八分

後漢王次仲正隸及八分

後漢韋誕正章草及隸

晉索靖行草時人云宛若銀鈎

晉衛夫人正行衛隸女

晉衛瓘草隸行時云一臺二妙

晉蔡夫人正書王衡母

晉衛恒隸草

晉王獻之行草飛白

晉王僧虔

上下十三人

漢武帝行草八分

漢張彭祖行草

魏鍾繇八分

晉庾亮行草

晉謝安行草

晉王洽八分及篆

晉桓溫行草

晉虞安吉正草大篆

宋羊欣隸草

齊永禪師正草

梁武帝篆正行草

中上十四人

後漢張兆正草

晉王克行草

晉阮籍行草

晉稽康行草

晉劉伶行草

晉王曠行草義之父

晉王凝之行草隸

宋蕭思話行草

晉王徽之行草及隸

宋史稜行隸

唐歐陽詢正及行

唐陸之行草

唐虞世南正草

唐褚遂良行隸草

中中十人

後漢羅暉行書

後漢趙襲行隸

後漢馬夫人行隸皇甫規妻

晉阮咸行草

晉王戎行草

晉郝超行草

宋王藻之行草

梁蕭子雲行草

陳阮研行及

周庾信行及草

中下十二人

後漢崔寔

吳大帝孫權行草

晉桓玄行隸

晉郝愔行隸

宋謝靈運行隸

齊周顒行草

齊陸彥遠行草法皆叔東之所傳

梁陶隱居行草

陳沈君理行隸

唐賀知章行大篆

陳蔡聖正及草行

仙司馬鍊師正行及大篆

上下八人

魏鍾毅行隸

晉陸機行草

晉謝道韞行草王凝之妻

晉傅夫人正隸郝愔妻

齊張融行草

梁簡文帝行隸

梁邵陵王行草

陳張正見行草

下中九人

吳王孫皓行隸

晉王知敬行隸

晉山濤行隸

齊武帝行草

齊丘道護正草

梁庾肩吾隸行草

隋賀混行草

唐房玄齡行草

唐薛稷行

下下九人

蜀相許靖行

晉虞綽行

齊王晏行

齊康忻行

齊蘭靖行

北齊劉逖行

周單于斯彥行

齊張士隱行

北齊魏夫行

李嗣真續書評

李陽冰古樹依物力有萬人而巳

八分五人

梁昇卿驚波往來

盧藏用寒潤花妍

張庭珪古木崩沙

韓擇木龜開萍藻

史唯則雁足印沙

真行書十九人

薛稷風驚苑花

蕭誠鶴舞交影

韋陟蟲穿古木

李邕華嶽三出

蔡隱丘古質新意

宋儋春餘花發

徐浩固多精熟

顏真卿絕筆劔推

沈千運飢鷹殺心

關操淵月沉珠

鄭虔雲送秋霜

李璆朱藤差池

何昌裔子敬餘波

宋之問天性卓絕

張從申遠近稱羨

李清吉變化自逸

釋玄悟氣骨無雙
迥出前輩

釋湛然釋子之言
難可比育

釋從簡臨寫逸少
時有亂真

草書十二人

張旭華峯巉怪
占盡生意

孫過庭丹霞絕壑
筆勢堅定

張懷瓘繼以章草
生意頗多

張芬孤松聳身
弱草垂露

張彪孤峯削成
藏筋露節

鄔彤寒鴉棲林
平岡走兔

陸會驚波魚躍
深水龍潛

史鱗逸氣雄鎮
超然不羣

梁耿錯落魚紋
縱橫鳥跡

房黃婉美分鵠
春鶯欲嬌

沈益春露窺魚
秋蛇歸穴

釋懷素援毫掣電
隨身萬變

唐張懷瓘書斷

神品二十五人

大篆史籀

籀文史籀

小篆李斯

八分蔡邕

隸書鍾繇

王獻之

王羲之

王獻之

張芝

崔瑗

衛瓘

王羲之

鍾繇

張芝

杜度

索靖

王羲之

王獻之 皇象

飛白 三人 蔡邕 王羲之

草書 三人 王獻之 王羲之

張芝 王羲之

妙品九十八人

古文 四人 杜林 衛瓘

大篆 四人 李斯 趙孟頫

邯鄲淳 衛瓘

曹喜 蔡

小篆 五人 邯鄲淳 蔡

衛瓘 崔瑗

衛瓘 張昶 皇象

邯鄲淳 張昶 皇象

八分 九人 張昶 皇象

邯鄲淳 張昶 皇象

鍾繇 師宜官

梁鵠 索靖

王羲之

隸書 二十五人 張芝 鍾會

蔡邕 邯鄲淳

衛瓘 韋誕

荀爽 謝安

續文獻通考卷之二百八十七

羊欣 王洽

王珉 薄紹之

蕭子雲 宋文帝

胡昭 衛夫人

曹喜 謝靈運

王僧虔 孔琳之

陸柬之 褚遂良

虞世南 釋智永

歐陽詢

行書十六人

劉德昇 衛瓘 謝安

王僧虔 胡昭

鍾會 孔琳之 字彥琳山陰人官尚書善草行

虞世南 阮研

王洽 薄紹之

歐陽詢 陸柬之

羊欣

章草八人 張昶 鍾會

韋誕 衛恒

郝愔 張華 字茂先范陽人後漢司空善章草

魏武帝 釋智永

飛白五人 蕭子雲 張弘

韋誕 歐陽詢

草書三十人

索靖

衛瓘

稽康

張昶

鍾繇

羊欣

孔琳之

虞世南

薄紹之

鍾會

衛恒

荀爽

桓玄

謝安

張融

阮研

王珉

謝靈運

王僧虔

王洽

歐陽詢

釋智永

能品一百七人

古文 四人

張敞

衛覬

衛瓘

韋誕

大篆 五人

胡昭

嚴延年

韋昶

歐陽詢

班固

小篆 十二人

衛覬

班固

韋誕

皇象

張宏

許慎

蕭子雲 傅玄

劉紹 張弘

范曄 歐陽詢

八分 三人 毛弘 左伯

王獻之 張昶

隸書 三人 衛恒 張昶

郗愔 王濛

衛覲 張彭祖

阮研 陶弘景

王承烈 庾肩吾

王虞 庾翼

王循 王褒

王恬 李式

傅玄 楊肇

釋智果 廣平人官衛尉少卿善隸行草

薛稷 孫過庭

盧藏用

行書 十八人 宋文帝 司馬攸

主 修 釋智永

主 導 蕭子雲

陶弘景 漢王元昌

王承烈 孫過庭

蕭思話 齊高帝

裴行儉 王知敬

高正臣 薛稷

釋智果 盧藏用

章草十五人 羅暉 趙襲

徐幹 庾翼

張超 王濛

衛覲 崔寔

杜預 蕭子雲

陸柬之 歐陽詢

王承烈 王知敬

裴行儉

劉紹

飛白一人 陸柬之

草書二十五人 王導

何曾 楊肇

李式 宋文帝

蕭子雲 宋令文

郝愔 庾翼

王廙 司馬攸

庾肩吾 蕭思話

范曄 孫過庭

齊高帝 謝朓

王知敬

裴行儉

梁武帝

高正臣

釋智果

盧藏用

徐師道

右包羅古今不越三品工拙倫次殆至數百且妙之企神非能步驟能之仰妙又甚規隨每一書之中優秀爲次一品之內復有兼併至如神品則李斯杜度崔瑗皇象衛瓘索靖各得其一史籀蔡邕鍾繇得其二張芝得其三逸少父子得其五考上所列諸類雖妙品尚不多得况神品又間氣所鍾曠古僅見邪後所作傳取當品之內時代次之或有紀名而不評跡蓋古有其傳今絕其書粗爲斟酌列於品第而十書之外復有龜蛇鱗雲龍蟲鳥之書旣非世要悉所不取也

唐寶良書評

唐寶良曰古者造書契代結繩初假達情寔流競美自是厥後迭世沿革朴散務煩源流遂廣漸備措法區別妍媸余故記前後所親見者并今朝自武德以來迄于乾元之始翰墨之妙可入流品者咸備書之

周 史籀

秦 李斯

後漢 蔡邕

杜操

魏 韋誕

虞松

司馬師

司馬昭 鍾會

吳 皇象 賀郡

晉 齊獻王 元帝 成帝

康帝 孝武帝 武陵王

會稽王 揚肇 山清

張翰 蔡克 顧榮

劉琨 孔侃 孔瑜

陶侃 遠 應詹

卞壺 超 謝操

庾亮 庾懌 庾冰

郗愔 庾準 郗曇

郗超 郗儉之 郗恢

郗鑒 謝尚 謝安

謝奕 王導 王郗

王珉 王羲之 王獻之

王廞 王濛 王述

丁潭 何充 劉訥

劉琰 張澄 劉璞

張翼 桓温 桓玄

桓彝 江灌 沈嘉

劉懷之 孔厥 范滂

范甯 諸葛長民 劉穆之

續文獻通考 卷之二百二十七 三十六 三十九

宋 温放之 楊羲 宋 挺 共六十三人

宋 武帝 文帝 孝武帝 明帝 南平王 海陵王

謝靈運 謝方明 張茂度 張

張永 羊欣 孔琳之 薄紹之 巢尚之 王敬弘

王思玄 顧峻 桓護之 駱簡 蕭思話 龐秀之

裴松之 徐瑗 江僧安 賀道力 共二十五人

齊 高帝 武帝 竟陵王

褚淵 褚贛 徐孝嗣 王僧虔 王慈 王志

王儉 劉攜 顧寶光 胡楷之 徐希秀 張融 共十五人

梁 武帝 簡文帝 邵陵王 孝元帝 蕭述 蕭子雲

蕭特 王克 陸果 任昉 傅昭 朱异

王籍 殷鈞 阮研 王褒 庾肩吾 陶弘景

江倩 周弘讓 范懷約 共二十一人

續文獻通考 卷之二百八十一 三十一

陳武帝 文帝 煬帝

沈后 新蔡王 廬陵王

永陽王 桂陽王 釋智永

釋智果 江總 徐陵

沈君理 袁憲 毛喜

蔡景歷 蔡徵 顧野王

宓知道 謝朓 賀朗 共二十一人

北齊 劉珉 一人

隋 劉玄平 房彥謙 薛道衡

盧昌衡 王孝逸 共五人

唐 神堯皇帝 文武聖皇帝 則天武后

睿宗 開元皇帝 漢王元昌 神堯子 善行書

韓王元嘉 岐王元範 歐陽詢

歐陽通 虞世南 虞纂

虞煥 褚遂良 陸柬之

薛稷 河東人官太子少保 隸行書亦入能品 房玄齡

田崎 王紹宗 孫過庭

張旭 徐浩 周嶠之

徐浩 賀知章 李浩

韓擇木 史惟則 衛包

李權 李中平 蔡有憐

鄭遷 舅繪 宋儋

李 璆 殷仲容 王知敬

李懷琛 呂向 王維

張從申 馬氏妻 明若山

唐 蒙 共四十五人

瀟溪書斷

神品

周 史 籀

秦 李 斯

後漢 杜 度 崔 瑗 張 芝

蔡 邕 鍾 繇

吳 皇 象

晉 衛 瓘 索 靖 王 羲之

王獻之

妙品

秦 胡毋敬

後漢 杜 林 衛 密

曹 喜 章帝時郎中令扶風人作垂露象

劉德昇

師宜官 梁 鵠 張 昶

曹 操 邴 鄆 淳 韋 誕 作剪刀篆

魏 鍾 會 胡 昭

吳 張 弘 張 華 衛 恒

晉 稽 康 張 華 衛 恒

續文獻通考 卷之二百八十七 二十九

晉 衛夫人 王廙 郝愔

吳 王洽 謝安 王珉

桓玄

宋 文帝 羊欣 薄紹之

謝靈運 孔琳之

齊 王僧虔 張融

梁 蕭子雲

陳 阮研 僧智永

唐 歐陽詢 虞世南 褚遂良

陸柬之

漢 張敞 嚴延年

後漢 班固 徐幹 許慎

張超 崔寔 羅暉

趙襲 左伯 張絃

毛弘 范曄

魏 衛覲

呂忱 何曾 傅玄

張嘉 劉邵 楊肇

杜預 齊獻 王攸

王導 張彭祖 韋弘

王濛 王恬 李式

庾翼 王修 韋昶

謝眺 又有張翼善戴安道康昕俱善隸

宋 蕭思話

齊 高帝 諱道成

梁 武帝 庾肩吾 陶弘景

周 王褒

隋 釋智果

唐 漢王 元昌 高正臣 裴行儉 河東人兵部尚書工草行

王知敬 河南陝人官中郎將工于草

王紹宗 字過庭陳留人隸行草入能品

薛稷 字子潛長安人官黃門侍郎隸行草入能

瀟溪續書斷

神品三人

唐 顏真卿 張長史 李陽冰

妙品十六人

唐 太宗 虞世南 歐陽詢

歐陽通 褚遂良 陸柬之

徐嶠之 徐浩 釋懷素

柳公權 沈傳師 韓擇木

徐鉉 弟錯及李無 高正臣 釋懷仁

宋 石曼卿 蘇子美 蔡君謨

能品六十六人 附下九人

唐 高宗 玄宗 順宗

續文獻通考

續文獻通考 卷之二百八十七
漢王元昌 臨川公主 晉陽公主 房隣妻

楊師道 裴行儉 孫虔禮

宋令文 魏叔瑜 子華 王知敬

王紹宗 字承烈江都人官秘書少監善隸行章草 岐王範

殷仲容 盧藏用 鍾紹京

李邕 蕭佑 蕭誠

韋陟 賀知章 盧鴻

張廷珪 王維 司馬子微

呂向 鄭虎 梁昇卿

史惟則 蔡有隣 李潮

褚廷誨 胡雷然 張懷瓘

張從申 段季展 韓滉

歸登 鄔彤 鄭餘慶

韓愈 劉禹錫 柳宗元

韓梓材 裴濟 李德裕

牛僧孺 李紳 裴休

唐玄度 盧知猷 于僧韓

錢惟治 錢淑

宋 錢昱 李煜 王著

郭忠恕 句中正 釋夢英

李建中 宋 綬 即宣獻公時號朝體

唐 異 杜衍 范仲淹

續文獻通考 卷之二百八十七 三十三

王洙

歐陽脩

邵鍊

章友直

唐彥猷

雷簡夫

張公達

慎東美

瀟溪曰自天聖景祐以來天下之士志於書學者稍復興起如周子發石曼卿蘇子美蔡君謨之儔人亡迹存皆著在篇中矣今列於廊廟布於臺閣復有數公有若韓魏公骨力壯偉文潞公風格英爽王介甫筆老不俗王大叅資質沉厚邵興完思快銳宋次道陸子履碑刻道麗滕元發王樂道尺牘流便王才叔以婉美稱蘇子瞻以淳古重及蔡仲遠沈睿達之徒皆彬彬可觀予固未量其所至安敢品之

宋太宗挺生五代文物已盡之間天縱好古之性真造八法草入三昧行書無對飛白入神一時公卿以上之所好遂悉學鍾王至李宗諤王文旣久士子始皆學其書肥褊朴拙是時不勝錄以投其好用取科第自此惟趨時貴書矣宋宣獻公綬作叅政傾朝學之號曰朝體韓忠獻公琦好顏書士俗皆學顏書及蔡襄貴士庶又皆學之王文公安石作相士俗亦皆學其體自此古法不講能隸書者武勝留後劉瑗能草書者承議郎滕中宗室仲忽能行書者宣德郎鮑慎由能篆書者宣德郎趙震已上是學古人書者餘未多見

按工書之士自秦而逮六季梁武帝庾肩吾李嗣真張

懷瑾暨瀟溪諸家評之詳矣宋若元竟無雌黃之者曼
卿子美而下瀟溪亦口及之然亦不過數人豈誠如先
輩所云乏魏晉矩度故耶然觀宋太宗之淳化閣帖潘
師旦之絳帖希白之潭帖蔡京之大觀帖劉燾之大清
樓續閣帖紹興之監帖劉次莊之戲魚堂帖曹之格之
寶墨齋帖所載宋元名臣碩士其品格俱足追踪前哲
比之竇良所評一百九十四人何遽不如漢乎余故揭
其姓氏於左以俟月旦者採焉

宋帝及后

宋太宗

時稱真造入法草
三味行書飛白尤妙

徽宗

高宗

孝宗

寧宗

理宗

憲聖吳皇后

宋臣

蘇才翁滄浪

司馬溫公光

馮文簡公京

蔡太師京

驃騎孫思皓

孫妃弟
學歐書

韓宗獻公琦

善顏書

蔡襄

米元章芾

范文正公仲淹

楊凝式

善真行

王文公安石

蘇文忠公軾

黃文節公庭堅

范忠宣公純仁

錢公穆父

賀公方回

林和靖公逋

劉公誼

長興人熙寧中為提學黃庭堅稱為羊欣復生

秦淮海公觀

王公澤民

李公端叔

陳公會齋

宗室趙仲忽

善草書

薛道祖紹彭

朱文公熹

武勝留後劉瑗

能隸書

承議郎滕中

能草書

李冲元公元中

釋叅寥子

宣德郎鮑慎由

善行書

宣德郎趙寔

善篆書

元臣

鮮于太常薄公樞

鮮于公必仁

渙陽人

趙文敏公孟頫

孟頫妻管夫人

王叔明公蒙

趙仲穆雍

文敏公子

張真人與材公全節

胡石塘公長孺

鄧廉訪使文肅公文原

危左丞相素

虞文靖公集

周御史公伯琦

工篆書

學士承旨康里文忠公巉

揭文安公傒斯

揭伯防公泓

歐陽文公玄

周景達公馳

袁清容公榆

饒介之公介

陳敬初公基

張貞君

隴西人

吾子行

長于篆 備圖印

邊伯京隴西人

已上共五十六人

徵文海公孟

王外郎公蒙

續文獻通考卷之一百八十八

皇明進士雲間王圻纂輯

六書考 書評下 書目

皇明書述

解縉書法 字大紳吉水人交趾參議前翰林院學士

學書之法非口傳心授不得其精大要須臨古人墨蹟
布置間架擔破管書破紙方有工夫張芝臨池學書池
水盡黑鍾繇入抱犢山十年木石盡黑趙子昂十年不
下樓夔子山每日坐衙寫盡一千字纔進膳唐太宗制

馬上簡板書字夜半秉燭學蘭亭大字須要識間架古
人以簞濡水學書於砌或書於几几石皆陷故自羲獻

而下世無善書者惟智未能悟家法書學中興至唐而盛宋家三百年惟蘇米庶幾元惟趙子昂一人皆師資之所以絕出流輩吾亦稍聞筆法於詹希元惜乎工夫未建草草度時竊自愧赧耳未樂丙戌六月十八日縉紳書

王賓叙字 字仲光號光菴長洲人

古人以字名家不易能也師宜官大字方丈一字小字方寸千言此後漢人以大小字名家不易能者也韋仲將自言以張芝筆左伯紙已之墨已之手大字逞徑丈之勢小字寸許千言也此魏人以大小字名家不易能者也惜乎其字皆不可得而見其法則猶有可得而知

者張長史謂大字促令小小字展令大董內直謂大字貴結密不結密則懶散而無精神偏傍宜字字相照應又宜飄逸氣清雅不俗一字之美皆偏傍湊成分拆看時各自成一美始為大字之盡善者矣小字貴開闔字內間架宜明整開闔一如大字體段諸美皆具也以張董所謂觀之後人從其法師韋所不易能可遂能耶顧吾嗜古人何如耳李陽冰見絳州碧落碑寢碑下數日不忍去歐陽詢見索靖古碑駐馬觀之去數步還下馬觀之倦則布氈坐觀之宿碑傍三日乃去歐陽李以字名家其嗜古人誠何如也沈學菴嗜古人字以工大字名吳中藏樗寮子張即之雪菴李泉大小字其子貴成

嗜之如饑思嗜未嘗一餉而有忘也貴成究張董所謂
從其法工之又未嘗一日而有輟也學菴家無數簪之
積無半畝之入其父子衷心所操會無所羨慕而少有
移也古人謂字心畫也柳誠懸言心正則筆正雖曰寓
諫寔字家名言學菴父子衷心要不愧夫誠懸之言者
矣伾奴輩沾沾自喜取媚縱其字或工可愧也蘇文忠
公論字必論其人之平生可謂善論字者矣學菴父子
衷心所操論其平生余安得不叙其所嗜所工爲學字
者警勸耶噫以字名家不易能也內而宜理乎已之心
外而宜畫乎古之法心以致其筆之正法以致其筆之
妙其見於揮灑大馬小馬烏乎不爲人重耶

祝允明書述

字希哲號枝山長洲人應天府通判

書理極乎張王鍾索後人則而象之小異膚澤無復變
改適逮唐氏遵執家藝初焉微區爾我已乃寢闊步趨
宋初能者尚秉昔槩爰至中葉大換顏面雖神骨少含
晉度九徃一居邇來徒靡從瀾倒風違宗矣祖乃大變
千載典謨崇朝改之何暇晒之亦應太息流涕耳暨夫
海濱殘矩舛謬百出一二守文之外恠形盈世蒙古數
子未足甲乙虞巉等輩歐鄧餘人無足語者吳興獨振
國手徧友歷代歸宿晉唐良是獨步然亦不免奴書之
眩自列門閥小累書家饒周之屬且亦可觀二宋在
國初故當最勝昌裔熟媚猶亞於克宋學士父子不失

邯鄲詹解鳴于朝周盧著于野朝者乃當讓野而希原
 幹力本超更以時趨律縛耳二沈蜚耀墨林昌辰高步
 自任人推皆謂絕景大君宸譽遂極褒華抑在一
 時誠亦然爾學士工力深篤其所發越十九在朝亦有
 繩削之拘非其神之全也或有閨窓散筆輒入妙格入
 罕覩爾棘寺正書娟媚行草傷輕因成儂浮自遠大雅
 如危帽輕衫少年毬鞠又如艷質明妝倩笑相對朱夏
 榜署紛紜易於馳譽孔陽仲昭下及廷暉養正之流煙
 煤塞眼悉俗工也其間太常稍近清潤吏部頗主沉雄
 惜乎不肯自脫掾史手耳養正吾不知也不知當時何
 以得列書苑二陳壁傷矜局登畧上之亦有宜黃吳餘

慶崑山衛靖少自出塵趨向甚正恨不廓且老耳程氏

與猶子篆分擅名斯業既鮮不得不足其後左參李相

頗近青冰左贊長沙相李牧朝揚師文不以書名亦有可觀

近朝所稱如黃翰二錢張汝弼皆松人也以沈氏遺聲

留情豪墨迄今猶然然荆玉一出而已小錢大致亦可

翰與東海人絕董猶而藝唯魯衛張公始者尚近前規

既而幡然飄肆雖聲走海宇而知音歎駭黃人行伎俱

下非吾徒也又有天駿者亦將婢學夫人咄哉樵爨斯

養醜惡息穢忍澠齒牙恐異時或得其名失其迹妄冒

誤人且為贅列紫薇郎署分科木天執事左閣絲綸大

可恠也談者謂任道遜姜立綱及近日周文通直攀詹

沈盖亦依稀若徐武功劉西臺吳文定李太僕咸為近
 士瞻望吳非當家貴在超雅去俗爾徐劉與吳并馬刑
 部蕭黃門顯亦皆師模宋元之撰而已徐馬倣米劉趙
 吳蘇蕭自成一狀最下畧近彥修於中劉無一筆失步
 亦可慨其舍文武而攀成康也太僕資力故高乃特違
 眾既遠羣從并去根源或從孫枝翻出已性離去筋骨
 別安眉目盖其所執奴書之論至此也

豐道生筆訣字人季初名坊字存叔號南陽郵人考功至事

雙鉤懸腕讓左側右虛掌實指意前筆後此古人所傳
 用筆之訣如屋漏雨如壁啓坼如印印泥如錐畫沙如
 折釵股此古人所論作書之勢也然妙在第四指得力

俯仰進退收往垂縮剛柔曲直縱橫轉運無不如意則

筆在畫中而左右皆無病矣此法鍾王之後唯藏真懷
 素得之為多庶幾於是者唐則伯施虞世南信本歐陽

登善褚遂良虔禮孫過庭紹京鍾泰和李邕伯高張旭清臣顏子卿

誠懸柳公權五季則量度楊水式重光李後主宋則君謨蔡襄元

章米芾元則子山夔子山子昂趙孟頫本朝則仲珩朱貞伯李

希哲祝允明數人而已書雖小學然非師法古而用功深
 豈能成字古今論者眾矣或泛而寡要茲發其秘云

書苑題評云天下法書歸吳而祝京兆允明為最文待詔

徵明王貢士寵次之京兆少年楷法自元常二王末師

秘監率更河南吳興行草則大令末師河南狂素顛旭

北海眉山豫章襄陽靡不臨寫工絕晚節變化出入不可端倪風骨爛熳天真縱逸直足上配吳興他所不論也唯少傳世間有拘局未化者又一種行草有俗筆爲人譌寫亂真頗可厭耳待詔小楷師二王精工之甚惟少尖耳亦有作率更者少年草師懷素行筆倣蘇黃米及聖教晚歲取聖教損益之加以蒼老遂自成家唯絕不作草耳王正書初法虞未與智永行書法大令最後益以適逸巧拙互用合而成雅奕奕動人文以法勝王以韻勝不可優劣等也

皇明書評

宣宗書出沈華亭兄弟而能於圓熟之外以適勁發之

蜀定王友垓善草書

周憲王爲世子久又多蓄晉唐名蹟臨摹不倦以故書法真行醇婉無一筆失度特少腕力

衡府高唐齊東二郡王深于玉筋大小篆亦見稱于世

宋克仲溫華亭人爲鳳翔同守正體頗秀健章草是當家健筆縱橫差少含蓄宋廣昌裔吳郡人書述云昌裔熟媚猶臣於克宋璫仲珩學士次子仕爲中書舍人真行草篆俱入能品方孝孺比之威鳳翀霄祥雲捧日按書述云宋氏父子不失邯鄲余嘗見其行草流動秀穎翩翩可愛比之乃公誠青出於藍此所謂國初三宋也覺仲珩尤勝

杜環字叔循金陵人正書入能品見宋承旨集

陳文東華亭人何元朗叢談評其書在二沈之上頗亦淳美似未脫俗

詹希原中書舍人善方丈署書諸宮殿額皆其手也法書述云希原幹力本超更以時趨律縛余嘗見其正書極端勁圓穎而時露俗態

解學士縉字大紳吉水人幹墨奔放狂草名一時然縱蕩無法楊用脩目爲鎮宅符正書頗精妍時又有周砥者不知里閭盧熊者崑山人晚以州守歸書述云詹解鳴於朝周盧著於野朝者乃當讓野

沈度民則弟粲民敬華亭人永樂中俱以書顯度至翰

林學士 文皇雅重之令 太子諸王咸習焉粲遷左

庶子至大理少卿書述稱二子蜚耀墨林昌辰高步自任人推皆謂絕景學士少宗陳文東而更嫵媚其所發越十九在朝亦有繩削之拘或有閒窓散筆輒入妙格人罕睹耳棘寺好法宋克正書娟媚行書傷輕又如豔質明粧倩笑相對去元人遠矣

張翰宸嘉定南翔人 國初署嘉定教官以能書名在宋仲溫陳文東之間而小楷行草具有法度

楊少師士奇李布政昌祺皆廬陵人書述云李牧楊師不以書名亦有可觀

胡文穆善真行草名不及解大紳而遇過之比征諸鎮皆

其勒石

曾少詹祭奕奕有風度

李忠文時勉狂草頗遒勁而少態

陳祭酒敬宗差有矩矱聲華甚著

王文端直文安英皆二沈流亞

夏景崑山人太常卿蔣廷暉錢唐人吏部郎中朱孔陽太

僕卿俱直內閣以書顯書述稱數子榜署紛紜易於馳

譽其間太常獨近清潤吏部頗主沉雄孔陽掾史手耳

吳克勤永新人 洪熙中以楷書薦爲翰林學士詩文清

麗

吳餘慶宜黃人直 內閣爲通政司左叅議與衛靖時不

相及然書述稱二子少自出塵趨向甚正恨不廓且老

耳

魏文靖驥蕭山人南京吏部尚書筆畫遒勁年九十八乃

卒

尹恒字宗有吳人其先自沐陽來徙則宋之建炎也父又

以問左徙金陵恒少則從博士弟子遊書跡甚善召侍

東宮 洪熙初與修撰金問同被 命待詔 闕前

進符璽少卿

宣嗣宗吳人 永樂中亦以善書徵授中書舍人進司封

員外嗣宗素謹人問以 禁廷事終不對故爲 宣宗

所眷旣卒恤禮良厚任子爲縣丞稱殊遇焉

衛靖崑山人 洪熙初 詔選書博士得召入備法從執簡 文淵閣進主事禮部及修 宣宗朝史預書牘 賜賚甚厚靖兼亦能詩

王公亮華亭人世業儒蚤失怙恃大父安之講授于鄉公亮克承厥訓以能書舉任吏科給事中累官至廣東布政使居官簡靜務六體廉重愷悌人皆悅服卒于官

夏宗文華亭人善真草隸書名重于時預修 永樂大典 授廣平縣主簿

朱孔陽華亭人能書善畫 永樂中授中書舍人累官至順天府丞筆力遒勁凡宮殿榜多其所書

陳敏華亭人 永樂中以能書徵除知四川茂州州境民夷雜處素難治敏宣布德意莫不感化秩滿州人借留

陞四川左叅政仍掌州事卒民立祠祀之 高文義穀興化人少保大學士魏驥頗健書名雖負而不免俗高乃文弱秀潤可愛而不甚著

徐天全有貞吳人真書法歐陽率更而加以飄動微失之弱行筆似米南宮狂草出入素旭奇逸迺勁間有失之恠醜者祝希哲其外孫人謂書法從公來希哲頗不以爲然

劉珏僉事長洲人習吳興體其精絕書述稱其無一筆失度

張南安汝弼華亭人以兵郎出知南安書述稱其始者尚

近前規既而幡然飄肆以草聖蓋一世喜作擘窠大軸素狂旭醉震蕩人心目且詩律散語俱有關係王弇州謂其結法頗疏腕力亦弱豈誠然哉

黃翰華亭人爲江西按察使有墨聲書述云翰與汝弼人絕董猶藝猶魯衛

張天駿華亭人以善書直內閣至工部尚書用南安體更變輕弱書述稱其婢學夫人

按張南安時有蕭顯文明爲按察僉事以狂草稱品最下又邵文敬郡守以半江帆影落尊前句人呼爲邵半江書法稍準繩於南安

詹和字仲禾錢塘人倣趙吳興體酷似之嘗作麈尾以鬻又別作李懷琳楊補之得旨兒價甚夥

錢文通溥弟布政博華亭人直行出自宋仲溫而少姿韻陳文沙獻章好縛禿帚作擘窠大書中亦有一二筆佳者其稱張南安好到極處俗到極處似未必然

李士實爲右都御史坐寧藩事伏法其書尤瘦險醜恠而一時聲甚著

李文正東陽直行筆頗秀潤晚節加以蒼老惟篆書頗佳明興曉篆法者有滕吏部用亨程太常南雲金太常

湜至文正而自負以爲得書家妙訣喬少保字景中允賜繼之然不如金陵徐霖霖可配元周伯琦文正大拜後每書歌詩一紙立致數金

姜立綱未嘉人以書直內閣至太常卿小變二沈爲方
整就其體中可謂工緻而不免俗累今盛行於世
任道遜少以神童薦亦至太常卿出立綱下

吳文定公寬真行體全法眉山書述稱不以書名貴在起
雅去俗遇合作處真可嘉尚唯不能作醉翁表忠觀體
耳

李應禎字貞伯初名牲長洲人累官太僕少卿善懸腕疾
書人有求者多怒不應以故傳世少祝希哲其子璿也
書述稱其質力故高乃特違衆旣遠群從并去根源或
從孫枝翻出已性離去筋骨別安眉目蓋其所執奴書
之論至此也然徃徃有隸史筆而吳人極推許之其大

石山聯句鍾太傅薦季直表跋最佳

王文成守仁餘姚人行筆亦爽勁而結構處頗踈

湛文莊若水倣陳白沙天然不及也唯署書差有骨

祝允明顥之孫也五歲能書過目即成誦爲詩時有壯語
書法得魏晉人髓性不問家人生產人或饋遺之隨復
散去仕郡功曹而子續由給事至方岳

王寵者守之弟吳人書學自宋克祝允明文徵明逮寵皆
各得魏晉法然寵資雅馴不以誦多自矜游於蔡羽所
而一時名士皆歸之胡守績宗尤相愛重尚書顧璘極
推服而寵竟悒悒不得進用恣於酒以卒所爲詩與徵
明相若而徵明格少讓之

文壁一名徵明吳人生少後於允明而與徐禎卿唐寅齊名友善已入與蔡羽王寵同傾一時後來者依以爲重徵明亦善接引隨所長稱之喜事少年爭奔走焉然資實沉厚學誦亦博詩在唐元禎溫李間工書善圖畫藝皆絕人尤稱善鑒古宗彝醜犖三代器及縑素品初以薦得待詔闕下亡何遽乞歸人尤以爲賢聞之黃生云倭人嘗贊謁徵明服緋坐受其拜於庭示以尊國中國體竟不受覬又不與書二子彭嘉彭書類父其人尤長者仕爲文學掌故嘉亦博物君子有父風書學不墜繪素亦精

徐霖字子仁正行俱精雅好堆墨書神采爛然覺骨不隳肉耳

朱九江曰藩寶崖人頗臨晉法書絕喜祝希哲而以已意出之婉秀瀟灑絕有姿態而結法頗疎

陳淳字道復以字行正書初從文氏欲取風韻遂成媚側行書出楊凝武林藻老筆縱橫可賞而結構多疎亦南路之濫觴也

彭昉字寅之初有盛名選擇爲吏南輿舉止多輕躁不能其官使者猶以昉文章爾雅未閑吏事優容之調他所後竟以罷歸初年少游於徵明名日以著所爲文若詩一時靡焉向風爭相慕部使者衡水楊先生宜命廩食之亦彊應而竟不行家素貧又嗜酒不問生產獨置甕

床頭朝夕飲耳書跡遒勁貴於時

陳灏號雨泉吳人嘉靖中進士官至方伯善行草得晉

人體扁額大字尤佳詩亦適麗

元王琮金陵人行草法趙吳興老健可愛

王逢元子新金陵人習聖教歐虞蘇黃諸體甚精徑寸而

上稍覺稚弱

陸文裕深少時作小楷精謹自謂有黃庭遺教意然不能

離趙吳興也行草法李北海而亦出入吳興晚節尤妙

夏文愍言以才雋居首揆天下重其書貞珉法錦視若珙

璧正行亦適美但肥過而滯老過而稚耳榜署書尤可

觀

周尚書倫崑山人行書法豫章吳興至徑寸外頗遒勁而

蒼鹵不甚工

張電上海人以能書直內閣至禮部左侍郎得幸世

宗書極圓熟妍美所取顯重者僅姜氏體耳

凌晏如吳興人以書授中舍遷吏科都給事中右僉都御

史其臨洛神賦金剛經俱有法

許侍郎成名作真行筆頗簡勁而結構多疎

許中丞宗魯行楷稍精間有聖教遺意

王參政慎中晉江人行草頗亦適逸而不諳八法未脫塵

氣

揚修撰慎伏膺吳興而運筆蹇滯指若木強者亦頗自任

羅文恭洪先書頗秀潤出聖母帖豐肉少骨穠妍有之蒼老不足

豐吏部道生初名坊家蓄古碑刻既富一一臨摹自大小篆古今隸草行無不明了而筆頗滯不能稱意若遇其中年得意處殘篇小碣驟見之必以爲古人也

陳鳴野鶴初習真書略取鍾法僅成蒸餅後作狂草縱橫如亂芻而張尚寶遜業絕喜之楊秘圖珂者初亦習二王而後益放逸柔筆疎行了無風骨此皆所謂南路體也

馬司業一龍用筆本流迅而乏字源濃淡大小錯綜不可識拆看亦不成章有羅鹿齡者少師之稍變爲圓美而多作俗筆二人皆負以爲正鋒者也故歛地亦有學馬者既非大雅終非可久

朱子价維揚人楷法亦精再傳之後疎慢肥弱種種因之黎郎中惟敬番禺人於四體各有意

梁禮部思伯番禺人楷法亦精皆遠得徵仲結法

方貢士元煥在山東作行草自矜以爲雄偉有力而疎野粗放備諸惡道署書稍勝時有張書紳蘇洲者俱不知何許人書紳行草似元煥而少加圓利洲作方丈以外大書矯健有勢唯真行多俗撰形模醜拙

吳中丞維嶽孝豐人正行取豐媚而少適勁

王問無錫人有高名作行草及署書本無所師承而風骨

道勁渴筆縱體往往與高相藏醉翁亭記法同
俞憲無錫人亦能署書而行筆不工

王司業同祖文太史甥也吳人正行具體而微

袁提學袞行草亦自疎逸

王吏部穀祥吳人正行法趙吳興雖老健而乏雅致

文博士彭教諭嘉皆徵明子小楷皆足箕裘彭肉而圓嘉

俊而佻行草則彭有懷素孫過庭法而傷率弱臨摹雙

鈎俱我朝第一手

陸少卿師道洲人中年小楷化度麻姑清麗可愛

彭年孔嘉長洲人小楷師率更精工之甚大則魯公誠懸

方整適勁行筆眉山差遠耳

許太僕初吳人真行草俱圓熟所乏風稜

周天球公瑕吳人楷法二種一種小變宣示而肉微勝一

種出入吳興而加嫺嫻

黃姬水淳父吳人正書初宗虞永興行筆本王履吉而晚

節加率易

張貢士鳳翼長洲人小楷擬曹娥精雅有致微傷矜局

王稚登百穀吳人出入淳父公瑕而加尖峭

俞允文仲蔚崑山人小楷絕得褚河南法而以顏柳筋骨

幹之遇所合作深可嘉尚而行筆頗做河南稍大則兼

黃米而傷佻縱

王逢年舜華本有筆而雜用之遂不成家

莫布政中江雲間人行草風骨朗朗亦善署書乃子是龍
小楷精工過於婉媚行草豪逸有態

古隸在 明世殊寥寥雲間陳文東頗合作然未之見也
獨文太史徵仲能究遺法於鍾梁一掃唐筆乃子彭繼
之亦自適雅少傷率易耳陸旅攜爲文氏甥妙得其意
惜三十而夭未見其止少時日從事翰墨間不解多乞
之深以爲恨徵仲恒自負隸法則不讓古人而歎於篆
然余得其千文一本亦在吳興堂無也陳道復作篆不
甚經心而自有天趣王祿之差有準繩亦善配合周公
瑕亦自熟不免率易

舟州集云 國朝書法當以祝希哲爲上文徵仲王履吉
宋仲溫宋仲珩次之陸子淵豐道生沈華亭徐元玉李
貞伯吳原博又次之餘似未入品

書目

大篆十五篇 周史籀作

倉頡篇七章 秦相李斯作

爰歷篇六章 秦公車府令趙高作

博學篇七章 太史令胡毋敬作

文字多效史籀篇而篆隸頗異所謂秦篆也

凡將篇 漢文園令司馬相如作

急就篇 漢黃門令史游作

元尚篇 將作太監李長作急就元尚篇皆倉頡中正字

倉頡訓纂一篇 漢楊雄作又云郭璞注倉頡篇楊雄作訓纂後漢郎中賈逵作嘉頡篇故曰三倉

古今文字二卷 劉歆撰又焦子明撰文字畧一篇

說文解字十四篇 後漢許慎作慎字叔重汝南召陵人

在昔篇一卷 太甲篇一卷 班固撰

通俗文一卷 伏虔撰

字指一卷 太子中庶子郭顯卿撰

古今文官書一卷 衛宏作

聖皇章 黃初章 吳帝勸學篇各一卷 蔡邕撰

飛龍篆篇 草勢篇三卷 濟北相崔瑗撰

埤倉二卷 古今字詁三卷 魏博士張緝撰又云緝撰

三倉難字一卷 詁訓三卷

始學篇十二卷 吳峻撰

吳章二卷 晉陸機撰

字法二卷 草行字二卷 字偶五卷 李彤撰

字林七卷 弦令呂忱撰

常用字訓一卷 荊州刺史殷仲堪撰

韻集六卷 汝復令呂靜撰

四體書勢一卷 衛常撰

要用字苑一卷 刁湏令葛洪撰

啓疑三卷 散騎常侍顧愷之撰

纂文三卷 宋御史中丞何承天撰

纂要六卷 顏延之撰

要字一卷 臨川內史謝靈運撰

字林音義五卷 楊州督護吳佑撰

文字指歸一卷 劉善經撰

四聲韻略十三卷 夏侯該撰

音譜四卷 李概撰

韻英三卷 釋靜洪撰

續文釋五卷 南齊吳均撰

四聲一卷 梁沈約撰

演說文一卷 梁庾儀撰

文字集略六卷 阮孝緒撰

釋字同音三卷 異字同音一卷 散騎常侍古文甫撰

五十二體書一卷 國子祭酒蕭子雲撰

玉篇三十卷 左將軍顧野王撰

字統二十卷 後魏楊承慶撰

隸書六體 元魏趙文深撰南陽人

四聲切韻 南北朝周顥撰建康人

聲類十卷 左校書李登撰

字略五篇 北齊宋世良撰

韻略一卷 辯嫌音二卷 和州刺史楊休之撰

訓俗文字略一卷 黃門侍郎顏之推撰

難字三卷 隋秘書少監王劭撰

證俗章略一卷 顏繁楚撰

古今字圖新錄一卷 字文指歸四卷 桂苑珠叢 秘

書學士曹憲撰

韻海鏡源三百六十卷 唐魯公顏真卿撰

九經字樣一卷 翰林待詔唐玄度撰

音韻 周思言撰

音譜 李季節撰

韻略 杜臺卿撰

石鼓文 鄭樵王應麟蘇軾皆有注

九經韻譜 群經音辯 賈昌朝撰

小爾雅 孔鮒撰

廣雅 張揖撰

要雅 劉杳撰

埤倉 漢賈升郎撰

糾謬正俗 顏師古撰

說文五義 吳淑撰

說文系傳四十卷 徐鍇撰鍇字楚金廣陵人

字苑 曹產撰

御覽字府 庾元威撰

鍾鼎款識十卷 薛尚功撰尚功錢塘人又著廣鍾鼎款識

韻七卷

集古錄 歐陽修撰

考古圖 呂大臨撰凡十卷大臨永興人

金石錄 趙明誠撰

故跡遺文 故跡記 徐浩撰

字辯 北齊李鉉撰

五音譜 李燾撰

七音韻鏡 字林音義 宋吳恭撰

翰林墨志 宋高宗撰

難字 周成撰

國語音 宋庠撰

楚辭音 智騫撰

莊子集音 徐邈撰

莊子釋音 甘輝魏包撰

黃庭經音 陶弘景撰

爾雅音 孫炎撰

諸經音義 釋玄應撰

漢書音義 蕭該撰

切韻 李舟撰

切韻指南 董南一撰

文字音 晉王延撰

集韻 陸法言撰

唐韻 孫愐撰

五經文字 張參撰

續文獻通考 卷之二百八十八

古文四聲韻 夏竦撰凡五卷

廣古文四聲韻 趙克繼撰

佩觿集 郭忠恕撰

字始連環象類書 鄭樵撰

切韻指掌圖 溫公撰

書林韻會 孟昶撰

韻會舉要 黃公紹撰

嘯堂集古錄二卷 王球著

五書總韻五卷 高衍孫著四明人

韻補 吳棫撰

干祿字書 顏元孫撰

廣干祿字書 婁機撰

說苑十卷 宋真宗時鄒平周起撰

六書正訛 周伯溫撰

六書本義 趙謙撰餘姚人

六書故 戴侗撰

小學篇 王隆撰

說文字原動靜字音 劉士明撰

唐蒙博物記字通 彭山李肩吾撰

隸釋 洪适撰

墨池編 治平中吳郡朱長文伯原撰

文字辯疑班馬字類文字指要 丘陵撰

續文獻通考

鄭氏篆髓六書攷 戴侗撰

禮部韻略 毛晃撰

書法鉤玄 蘇子啓撰

漢隸字源六卷 婁機著嘉興人

平水韻 劉淵撰

總韻刊誤 李涪撰

寶刻叢珠 陳思撰

書苑菁華正始之音 王栢撰

字說隸格聲本聲緯改併五音集韻 元韓道昭重編

六書統六書泝源書學正韻 元楊桓撰

字源偏傍小說三卷 林罕著罕字希古安喜人

學古編 元吾丘衍子行著丘衍魯郡人

復古編 張有著有字謙仲吳興人又著五聲韻五卷

王氏書苑 王世貞集

漢隸分韻七卷 田汝耕著

佐書韻編 姑蘇顏本氏

武書簡錄 故種錄本

莫錄分譜十卷 田成珠著

王丸書錄 王世貞集

勇古錄 張育善育字籍中吳興人又善正續譜正卷

學古錄 元吾丘衍字晉立海陵人

續文獻通考卷之一百八十九

皇明進士雲間王圻纂輯

帝系考 帝號歷年 宋遼

宋

恭帝即 熈度宗次子全皇后生初封嘉國公度宗崩眾

以建國公是長當立賈似道主嫡乃立熈時方四歲謝

太后臨朝次年伯顏入臨安群臣奉帝出降封瀛國公

端宗即位遥尊為孝恭懿聖皇帝 改元一德祐二年

端宗名是度宗妃楊淑妃所生德祐初封吉王進封益王

帝熈隆元陳宜中以海船載是走福州及三宮北去益

王即皇帝位元軍入福州帝遂航海崩於化州之碙州

帝昇度宗第三子。俞修容所生。初封信王。進封廣王。帝暴
降元陳宜中。以海船載昇。及是走福州。景炎中。進封衛
王。端宗崩。張世傑、陸秀夫等共立為帝。居新會之厓山。
改元一景炎三年。

帝昇度宗第三子。俞修容所生。初封信王。進封廣王。帝暴
降元陳宜中。以海船載昇。及是走福州。景炎中。進封衛
王。端宗崩。張世傑、陸秀夫等共立為帝。居新會之厓山。
改元祥興。次年二月。張世傑與蒙古張弘範戰于厓山。
兵潰。陸秀夫負帝赴海。崩在位二年。壽九歲。是年宋
亡。

東都九主。一百六十八年。南渡九主。一百五十二年前
後共十八主。凡三百二十年。

遼

遼

太祖大聖大明神烈天皇帝。姓耶律氏。諱億。字阿保機。小
字啜里只。契丹迭刺部霞瀨益石烈鄉耶律彌里人。德
祖皇帝長子。母曰宣簡皇后蕭氏。唐咸通十三年生。天
復元年。有德堇可汗立以為本部夷離堇。專征伐。連破
敵有功。三年。拜于越總知軍國事。五年。有德堇可汗徂。
群臣奉遺命立為主。九年而建元。稱帝。初。宰相蕭轄刺
南宰相耶律歐里思率群臣上尊號曰天皇帝。神冊元
年。又上尊號曰大聖大明天皇帝。在位二十年。稱帝十
十年崩。壽五十五。改元三。神冊末年。天贊四年。天顯
十年。

太宗孝武惠文皇帝。諱德光。字德謹。小字堯骨。太祖第二

子毋因淳欽皇后蕭氏唐天復二年生以天顯二年十
一月即位會同元年十一月晉使劉煦盧重冊上尊號
由睿文神武法天啓運明德彰信至道廣敬昭孝嗣聖
皇帝在位二十一年崩壽四十六 改元二會同九年
大同十年

世宗孝和莊憲皇帝諱阮小字兀欲讓國皇帝長子毋柔
貞皇后蕭氏以大同元年四月即位九月群臣上尊號
曰天授皇帝在位五年為察割所弒壽三十四 改元
一天祥五年

穆宗孝安敬止皇帝諱璟小字述律太宗皇帝長子毋靖
安皇后蕭氏以天祥五年九月即位群臣上尊號曰天

順皇帝在位十九年為近侍小哥哥盟人花哥庖人辛古
等六人所弒壽三十九 改元一應曆十九年

景宗孝成康靖皇帝諱賢字賢寧小字明展世宗第二子
毋懷節皇后蕭氏以應曆十九年三月即位群臣上尊
號曰天贊皇帝在位十三年崩壽三十五 改元二保
寧十年乾亨四年

聖宗文武大孝宣皇帝諱隆緒小字文殊奴景宗長子毋
睿智皇后蕭氏以乾亨四年九月即位群臣上尊號曰
昭聖皇帝統和元年五月上尊號曰天輔皇帝二十四
年十月上尊號曰至德廣孝昭聖天輔皇帝開泰元年
十月加上尊號曰弘文宣武尊道至德崇仁廣孝聰睿

昭聖神贊天輔皇帝太平元年十一月加上尊號曰睿
文英武遵道至德崇仁廣孝治定功成昭聖神贊天輔
皇帝在位四十九年崩壽六十一日改元三統和二十
九年開泰九年太平十年

興宗仁聖孝章皇帝諱宗直字夷不董小字只骨聖宗長
子毋欽哀皇后蕭氏切太平十一年六月即位十月群
臣上尊號曰文武仁聖昭孝皇帝十年十一月加上尊
號曰聰文聖武英畧神功睿哲仁孝皇帝二十年十一
月加上尊號曰欽天奉道祐世興曆武定文成聖神仁
孝皇帝在位二十四年崩壽四十六改元二景福二年
重熙二十四年

道宗孝文皇帝諱洪基字涅鄰小字查刺興宗長子劬仁
愛皇后蕭氏以重熙二十四年八月即位二年十一月
群臣上尊號曰天祐皇帝咸雍元年加上尊號曰聖文
神武全功大畧廣智聰仁睿孝天祐皇帝在位四十七
年崩壽七十改元五清寧十年咸雍十年太康十年
大安十年壽隆七年

天祚帝諱延禧字延寧小字阿果道宗孫父順聖皇帝毋
貞順皇后蕭氏壽隆七年正月即位群臣上尊號曰天
祚皇帝三年十一月加上尊號曰惠文智武聖孝天祚
皇帝二十四年為金人完顏婁室等所獲降封帝為海
濱王以疾終年五十有四改元三乾統十年天慶十

年保大五年

右遼主九人起神冊元年丙子終保大五年甲辰共二百九年追帝者二人

讓國文獻皇帝名倍小字圖欲太祖長子母曰淳欽皇后述律氏神冊元年立為皇太子聰敏好學通陰陽醫藥針灸之術天顯元年詔居東丹國為人皇太祖崩率其國屬言于皇后曰大元帥勲蓋中外宜承正統后從之太宗即位倍居東丹建元甘露稱制行事置左右大相及百官一用漢法太宗升東丹為南京唐明宗遣人招倍遂浮海適唐明宗賜姓東丹名慕華又改姓李名贊華從珂將自焚遣壯士害之薨年三十八歸櫬葬醫巫

間山太宗謚曰文武元皇王世宗謚讓國白皇帝統和中更謚文獻皇帝重熙二十年增謚文獻聖義皇帝

大孝順聖皇帝名濬道宗子母曰宣懿皇后蕭氏六歲封梁王八歲冊為皇太子耶律乙辛誣害皇后復誣奏蕭速撒等八人謀立皇太子上令乙辛鞠治缺皇太子困之宮中又廢為庶人囚之上京乙辛竟遣私人盜殺之其子天祚帝即位追尊大孝順聖皇帝

太上皇遼無 皇太后 太皇太后

太祖元年正月即帝位尊祖母曰太皇太后母曰皇太后太宗天顯元年十二月尊皇太后為太皇太后皇后為應天皇太后三年八月詔建應天皇太后誕聖碑于坤

寧州九月有司請以皇太后生日爲永寧節十月以永寧節率群臣上壽于延和宮五年正月朝皇太后二月上與人皇王朝皇太后皇太后以皆工書命書于前以觀之七年三月上率群臣朝于皇太后八年十二月太皇太后崩遣使告哀于唐及人皇王九年二月葬太皇太后于德陵十年四月皇太后父族及母前夫之族二帳並爲國舅以蕭緬思爲尚父領之十二年正月討李從珂皇太后遣侍衛實魯趣行戊寅朝于皇太后進珍玩爲壽十月皇太后永寧節普及回鶻燉煌諸國皆遣使來賀 會同元年四月還宮朝于皇太后十一月皇太后御開皇殿晉馮道韋勳冊上尊號曰廣德至仁昭

烈崇簡應天皇太后三年七月朝于皇太后丙子從皇太后視人皇王妃疾五年正月以諸道貢物進皇太后六月丁丑聞皇太后不豫馳入侍湯藥必親嘗仍告太祖廟幸菩薩堂飯僧五萬人七月乃愈 大同元年太

宗崩于欒城世宗即位于柩前遣天德朔古解里等護梓宮先赴上京太后聞世宗即位遣太弟李胡率兵拒之相持數日用屋質之謀各罷兵既而聞太后李胡復有異志遷于祖州是年八月尊母蕭氏爲皇太后以太后族刺只撒古魯爲國舅帳立詳穩以總焉世宗被弒時太后同

被難

穆宗應曆三年六月應天皇太后崩謚貞烈葬祖陵

聖宗即位時年十三皇后奉遺詔攝政尊爲皇太后 統
和元年正月皇太后幸荆王道隱邸視疾四月大臣以
太后與政宜有尊號請下有司詳定冊禮五月詔近臣
議皇太后上尊號冊禮樞密使韓德度以後漢太后臨
朝故事草定上之六月詔有司冊皇太后日給三品以
上法服三品以下用大射柳服甲午上率群臣上皇太
后尊號曰承天皇太后七月皇太后聽政二年正月朝
皇太后四年正月朝皇太后三月與皇太后駐兵駝羅
口伐宋四月以南捷率群臣賀于皇太后庚申朝皇太
后五月以皇太后生辰縱宋卒匿岐溝空城者十五年
以後歲二次問安皇太后二十四年十月率群臣上皇

太后尊號曰睿德光畧應運啓化承天皇太后二十七
年十二月皇太后崩于行宮謚神聖宣獻皇后葬乾陵
興宗景福元年六月尊母元妃蕭氏爲皇太后閏十月
有司請以皇太后生辰爲應聖節從之十一月問安皇
太后 重熙元年正月皇太后御正殿受帝與群臣朝
是春皇太后誣齊天皇后謀逆遣人弒于上京齊天乃
聖宗正后無子元妃稱斤生興宗后養爲子聖宗太漸
稱斤嘗后曰老物寵亦有既耶令左右扶出帝崩稱斤
立爲皇太后護衛馮家奴喜孫等希旨誣告北府宰相
蕭浞卜國舅蕭匹敵謀逆詔令鞠治連及后興宗聞之
曰皇后侍先帝四十年撫育眇躬當爲太后今不果反

罪之可乎太后曰此人若在恐爲後患帝曰皇后無子而老雖在無能爲也太后不從遷后于上京猶慮帝懷鞠育恩遣人加害使至后曰我實無罪天下共知卿待我浴而就死可乎使者退比反后已崩年五十是日若有見后于木葉山陰者乘青蓋車衛從甚嚴十一月率群臣上皇太后尊號曰法天應運仁德章聖皇太后三年五月皇太后還政躬守慶陵七年二月遣使慶州問安皇太后十一月如之且進珍玩八年七月迎皇太后至顯州九年正月進酒于皇太后宮十一年正月奉迎皇太后于內殿十六年十一月幸中京朝皇太后十二月間安皇太后二十年十一月率群臣上皇太后尊號

曰仁慈聖善欽孝廣德安靜貞純懿和寬厚崇覺儀天皇太后

道宗清寧元年九月尊皇太后爲太皇太后皇后爲皇太后十二月以應聖節上太皇太后壽宴群臣及命婦二年十二月上皇太后尊號曰慈懿仁和文惠孝敬廣愛宗天皇太后三年十二月太皇太后崩謚欽哀葬慶陵太康二年三月皇太后崩謚仁懿葬慶陵

后妃

遼因突厥稱后曰可敦國語謂之賊俚寒尊稱曰藉幹廢蓋以配后土而毋之云太祖稱帝尊祖母曰太皇太后毋曰皇太后嬪曰皇后等以徽稱加以美號質于隋唐

文于故俗后族惟乙室拔里氏而世任其國事太祖慕漢高皇帝故耶律兼稱劉氏以乙室拔里比蕭相國遂爲蕭氏太祖淳欽皇后述律氏諱平小字月理朶其先回鶻人父婆姑梅里母勾德忽王女后簡重果斷有雄畧太祖即位群臣上尊號曰地皇后神冊元年加號應天大明地皇后太祖怒劉守光使韓延徽不拜留使牧馬后曰守節不屈賢者也太祖乃召與語大悅以爲謀主太祖崩斷腕納于柩太宗尊爲皇太后後以欲立少子李胡與世宗忤遷祖州崩年七十五祔祖陵謚貞烈重熙二十一年更今謚

太宗靖安皇后蕭氏小字溫淳欽皇后弟室魯之女帝爲大元帥納爲妃生穆宗及即位立爲皇后性聰慧潔素尤被寵顧雖軍旅田獵必與偕天顯十年崩于行宮謚彰德莖奉陵重熙二十一年改今謚

按太宗天顯八年七月行納后禮此時靖安后猶在不知所納者何人將紀載有誤也

世宗懷節皇后蕭氏小字撒葛只淳欽皇后阿古只之女帝爲永康王納之生景宗天祿未立爲皇后明年秋生萌古公主在幕察割作亂弒太后及帝后乘步輦直請察割請畢收殮明日遇害謚曰孝烈重熙二十一年更今謚妃甄氏後唐宮人有姿色帝從太宗南征得之寵遇甚厚生寧王只沒及即位立爲皇后嚴明端重風

神閑雅內治有法莫干以私後爲察割所害景宗立葬
二后于醫巫閭山建廟陵寢側

穆宗皇后蕭氏父知璠內供奉翰林承旨后生有雲氣馥
郁又之幼有儀則帝居藩納爲妃及正位中宮性柔婉
不能規正無子

景宗睿知皇后蕭氏諱綽小字燕燕宰相思溫女早慧思
溫嘗觀諸女掃地惟后潔除喜曰此女必能成家帝即
位選爲貴妃尋冊皇后生聖帝景宗崩尊爲皇太后統
和二十七年崩謚曰神聖宣獻皇后重熙二十一年更
今謚后明達治道聞善必從故群臣咸竭其忠又習知
軍政澶淵之役親御戎車信賞必罰將士用命聖宗稱

遼盛主后教訓爲多

聖宗仁德皇后蕭氏小字菩薩哥睿智皇后弟隗因之女
年十二美而才選入掖庭統和十九年冊爲齊天皇后
嘗以草筵爲殿式密付有司令造清風天祥八方三殿
既成益寵異後爲欽哀太后誣害葬慶陵 又欽哀皇
后蕭氏小字禱斤淳欽皇后弟阿古只五世孫黜回狼
視毋嘗夢金柱擎天后獨能陞異之入宮嘗拂承天皇
后榻獲金鷄吞之膚色光澤勝常太后知有奇子已而
生興宗後誣仁德皇后致之死又謀立少子重元重元
白帝帝拔太后符璽遷于慶州三年帝悔之親御奉迎
孝養益謹而后常不懌帝崩無戚容清寧初尊太皇太

后崩謚欽哀堊慶陵

興宗仁懿皇后蕭氏小字撻里欽哀皇后弟孝穆之長女性寬容姿貌端麗帝即位入宮生道宗重熙四年立爲皇后二十三年號貞懿慈和文惠孝敬廣愛崇聖皇后道宗尊爲皇太后太叔重元與其子涅魯古謀反太后親督衛士擒之太康二年崩謚仁懿 貴妃蕭氏小字三嬪駙馬都尉匹里之女選入東宮帝即位立爲皇后重熙初以罪降貴妃

按太平八年十一月諸族備會親之帳十二月皇太子納妃蕭氏即此

道宗宣懿皇后蕭氏小字觀音欽哀皇后弟樞密惠之女姿容冠絕工詩善談論自制歌詞尤善琵琶重熙中帝王燕趙納爲妃清寧初立爲懿德皇后皇太叔重元妻以艷冶自矜后戒曰爲貴家婦何必如此后生太子濬有專房寵好音樂伶官趙惟一得侍左右太康初宮婢單登教坊朱頂鶴誣后與惟一私樞密使耶律乙辛以聞詔乙辛與張孝傑劾狀因而實之族誅惟一賜后自盡乾統初追謚宣懿合堊慶陵 惠妃蕭氏小字坦思駙馬都尉霞抹之妹太康二年立爲皇后以妹幹特懶先嫁乙辛子者宜子言于帝離婚納宮中八年皇孫封梁王降爲惠妃徙乾陵幹特懶還其家頃之其母燕國夫人厭魅梁王伏誅貶妃爲庶人幽宜州天慶六年召

還封太皇太妃後二年奔黑頂山卒塋太子山

大祚皇后蕭氏小字奪里懶宰相繼元五世孫大安三年

入宮明年封燕國王妃乾統初冊為皇后性閑淑有儀

則後從天祚西狩以疾終 德妃蕭氏小字師姑北府

宰相常哥女壽隆二年入宮封燕國妃生子撻魯乾統

三年改德妃以柴冊禮封撻魯為燕國王加妃號翼贊

王薨以哀戚卒 文妃蕭氏小字瑟瑟國舅大父房之

女乾統初帝幸耶律撻葛第見而悅之匿宮中後以和

魯幹言禮納為文妃生蜀國公主晉王敖廬幹尤被寵

幸以柴冊加號承翼後以蕭奉先忌晉王誣南軍都統

余覲謀立妃與聞賜死天祚元妃蕭氏小字貴哥燕國

妃之妹年十七冊為元妃性沉靜嘗晝寢近侍盜貂襜

妃覺而不言宮掖稱其寬厚從天祚西狩以疾終

按遼以鞍馬為家后妃往往長于射御軍旅田獵未嘗

不從如應天之奮擊室韋承天之御戎澶淵仁懿之親

破重元古所未有亦其俗也靖安無毀無譽齊天巧思

乃奢侈之漸宣懿度曲知音豈致誣讎之階乎文妃能

歌詩諷諫而謂謀私其子非矣若簡憲之艱危保孤懷

節之從容就義雖烈丈夫何以過之欽哀狠桀賊殺嫡

后而興宗不能防閑其母惜哉

又按聖宗開泰二年正月以馬氏為麗儀耿氏為淑儀

尚寢白氏昭儀尚服李氏順儀尚功艾氏芳儀尚儀孫

氏和儀則宮中女官之制亦極詳備今不可考矣

皇太子皇子

太祖四子淳欽皇后生讓國皇帝倍太宗皇帝章肅皇帝

李胡宮人蕭氏生牙里果

太宗五子靖安皇后生穆宗欽靖皇太叔廢撒葛宮人蕭

氏生天德冀王敵烈越王必攝

世宗三子長莊聖皇太子吼阿不次景宗生母史俱不書

妃甄氏生寧王只沒

景宗四子睿智皇后生聖宗皇太弟隆慶齊孝靖王隆祐

其第四藥師奴不詳所出

聖宗六子欽哀皇后生興宗皇太叔重元第三柳城郡王

別古特不詳所出僕隗氏生燕王吳哥南府宰相狗兒

姜氏生混同郡王侯古

按聖宗開泰七年皇子宗真封梁王宗元永清軍節度

使宗簡右衛大將軍宗愿左驍衛大將軍宗偉右衛大

將軍宗真即興宗也其名與上不同而又止五人蓋名

乃後時改易而狗兒暴疾薨故止五耳

興宗三子仁懿皇后生道宗皇太叔義和仁壽和魯幹秦

魏欽正王阿連

道宗一子宣懿皇后生名濬

天祚六子文妃生一子曰敖魯幹元妃生一子曰稚里七

歲欲立為太子別置禁衛封梁王天祚奔夏衆推稱帝

改元神曆其燕王撻魯趙王習泥烈秦王定許王寧俱不詳所出

公主

太祖一女質魯適淳欽皇后弟蕭室魯幼為奧姑未封卒

遼故俗凡婚燕禮推女子可尊敬者坐于奧謂之奧姑

太宗二女呂不古應曆間封汧國長公主保寧中進封燕

國大長公主適北府宰相蕭思溫 嘲瑰適北府宰相

蕭海黎應曆初未封卒

世宗三女和古典保寧間封秦國長公主適侍中蕭啜里

觀音保寧間封晉國長公主適蕭夏刺 撒刺適蕭

幹里未封卒 以上皆懷節皇后生

景宗四女觀音封魏國公主進封齊國景福中封燕國大

長公主適北府宰相蕭繼先皇后加愛賜奴婢萬口重

熙中薨 長壽封吳國公主統和初進封衛國改封魏

國長公主適宰相蕭排押開泰六年薨 延壽封越國

公主追封趙國適蕭恒德性沉厚執婦道不以貴寵自

驕睿聖皇后于諸女中尤愛早卒 以上皆睿聖皇后生 淑哥無

封號乾亨二年適盧俊不諧改適蕭神奴 勃海妃生

按聖宗統和元年二月以皇女長壽公主下嫁國舅宰

相蕭婆項子吳留十月以公主淑哥下嫁國舅詳穩照

始七年四月國舅太師蕭撻為子排亞請上皇女延壽

公主許之今攷之公主表所適之人不同豈名異而人

續文獻通考 卷之二百八十九 則一乎此不可曉矣

聖宗十四年燕哥封隋國公主進封秦國興宗封宋國長

公主適蕭匹里貴妃 巖母堇開泰七年封魏國公主

進封秦國長公主改封秦晉國長公主清寧初加太長

公主初適蕭啜不睦改適蕭海里不睦又適蕭胡覩又

不睦乃適韓國王蕭惠以帝女而改適者四夷風猶不

改云 槲古封越國公主進封晉國景福初封秦蜀國

長公主清寧初加太長公主適蕭孝忠姿質娟秀禮法

自將以上欽哀 崔八封南陽郡主進封公主適蕭孝

先太平末大延琳反遇害 陶哥封長寧郡主進封公

主適蕭楊六以上蕭 鈿匿封平原郡主進封荆國公

主適蕭雙古亦蕭 九哥封潯陽郡主進封公主適蕭

璉馬氏 長壽封臨海郡主進封公主適大力秋力秋

坐延琳事誅改適蕭愷古大氏 八哥封同昌縣主進

封公主適劉三嘏 十哥封三河郡主進封公主適奚

王蕭高九 孽失封仁壽縣主進封公主適劉四端

泰哥封號未詳適忽烈以上俱 賽哥封金鄉郡主進

封公主適蕭圖王以殺無罪婢被謫圖王亦坐不能齊

家貶官李氏 興哥封號未詳適王六艾氏

按聖宗開泰元年二月詔封皇女八人為郡主即上諸

女是也以是知遼于公主恩典亦不輕矣

興宗二女 跋芹封魏國公主重熙末徙封晉國加長公

續文獻通考 卷之二百八十九 十五

主適蕭撒八不諧改適蕭阿速以婦道不修徙中京又適蕭窩匿 幹里太封鄭國公主清寧間加長公主壽

隆間加太長公主適蕭余里也以上俱仁懿皇后生

道宗三女撒葛只封鄭國公主咸雍中徙封魏國適蕭末

沉静有智太康初薨 紉里封齊國公主進封趙國適

蕭撻不也不也坐昭懷太子事被害其弟訛都幹欲逼

尚公主公主以訛都幹黨乙辛惡之未幾都幹以事伏

誅天祚幼乙辛用事公主每以匡救為心竟誅乙辛大

安五年薨 持里封越國公主乾統初徙封梁宋國大

長公主適蕭酬幹酬幹得罪改適蕭特末特末亦為金

人所擒公主從天祚出奔没于金以上俱宣懿皇后生懿皇后生

昭懷太子一女 延壽 楚國公主徙封許國乾統元年

進封趙國加晉國太長公主適蕭韓家奴公主幼遭乙

辛難與兄天祚俱養于蕭懷忠家後李氏進挾轂歌天

祚感悟召還宮

天祚六女 余里衍封蜀國公主文妃生為金人所獲元

妃生三女官人生二女俱為金人所獲

和番公主西夏高麗雖遼之屬國而叛服不常終非所樂與婚也故總謂之和番

義成公主聖宗統和五年十二月西平王李繼遷為子

求婚詔以王子帳節度使耶律裏之女汀封義成公主

嫁之

蕭恒德女統和十四年三月高麗王治為子求婚許以

東京留守駙馬蕭恒德女嫁之恒德女不封公主

可老公主大平元年三月大食國王遣使請婚封王子

班郎君胡思里女可老為公主嫁之

興平公主與宗景福元年十二月以興平公主下嫁夏

國王李德昭子元昊後公主與元昊不睦而沒詔詰其

故興師伐之

成安公主道宗壽隆五年夏國王李乾順三遣使乞尚

公主詔以族女封成安公主下嫁之

皇族

肅宗系

一世 五院夷離堇房洽脊 六院郎君房葛刺

四世 五院夷離堇敵魯古

五世 北院大王圖魯審

九世 侍中陳家奴

不知世次 太子太傅崇古

懿祖系

一世

六院夷離堇房帖刺 六院部舍利房裏古直

簡獻皇帝兄匣馬葛

二世

夷離堇卷古只 于越轄底俱帖刺子

遙輦可汗時本部夷離堇偶思馬葛子

三世 迭里特轄底子 阿魯敦于越曷魯偶思子

四世 惕刺撒刺曷魯子

五世 太師斜軫

六世 小將軍狗兒

不知世次

北院夷離堇斜涅赤 政事令捷烈

北院大王曷魯 南院大王吾也

右皮室詳穩老古 大王頗德

玄祖系

一世

橫帳孟父房楚國王巖木 仲父房隋國王釋魯

二世

迭刺部夷離堇胡古只 迭刺部夷離堇末撥

迭刺部夷離堇楚不魯俱孟父房滑哥併父

于越魯不古所不知

三世

捕捷馬絨沙里神速胡古子 北院樞密使安搏

左皮室詳穩撒給俱楚不魯子 孟父房痕只

于越洼孟父房于越休哥俱滑子 併父房

四世 于越高十休哥子 西平郡王賢適魯不古子

五世

于越屋質孟父 惕隱學古

東路統軍使烏古不

國留

昭德節度資忠昭俱注

匡義節度馬哥休哥孫以上俱

仲父

六世 党項節度使唐屋質從子 孟父房

八世 節度劉家奴屋質魯孫 孟父房

九世 昭德節度使孟簡劉家奴子 孟父房

孟父房不知世次

惕隱朔古

匡義節度大悲奴

惕隱何魯掃古

滌列 撒刺竹

漆水郡王顏鼎

北院宣徽使敵祿

右皮室詳穩奚低

南院大王善補

侍中化哥

于越弘古

北院宣徽使馬祿

南京宣徽使奴古達

燕王瑰引

于越仁先

惕隱許王義先

南面林牙信先三人 俱瑰引子

仲父房不知世次

北院大王的祿

北面林牙韓留

定父節度仙童

西北招討使搭不也

大同節度觀音

德祖系

一世

季父房夷離董刺葛

左大相迭刺

許國王寅底石

明王安端

南府宰相蘇

鐸穩

二世

賽保

中京留守拔里

俱刺葛子

劉哥

益哥

化葛里

察割

安端子

奚蹇

俱寅底石子

三世

鎮國節度合住

迭刺孫

中書令阿烈

寅底石孫

尚父奴瓜

蘇子之孫

四世

太師豁黑斯

鐸穩曾孫

五世

北院樞密使頗的

奴瓜孫

惕隱蒲古

奴瓜孫

惕隱燕哥

黑斯子

鉄驪

蒲古子

七世

混同郡王幹特刺

阿烈玄孫

季父房不知世次

平章的烈

中京路案問使和尚

林牙高家

漆水郡王撻不也

南府宰相釋魯幹

烏古部節度普古

北面大王特麼

先鋒都監張奴

檢校太師吳九

林牙庶成

都林牙庶箴子成

菴古只朗

太祖系

一世

讓國文獻皇帝倍

章肅皇帝李胡世宗時與子喜隱謀反死於獄

惕隱牙里果

二世

平王隆先

晉王道隱

婁國俱讓國皇帝子

宋王喜隱世宗釋其謀反罪景宗時復謀反囚祖州

衛王宛俱章肅皇帝子

南府宰相

室魯

北院大王奚低俱牙里果子

太宗系

一世

太平王菴撒葛

天德

冀王敵烈

越王必攝

二世 蛙哥

景宗系

一世 皇太弟隆慶

齊國王隆祐

二世

魏國王查葛

幽王遂哥

陳王謝家奴

遼西郡王驢糞

漆水郡王蘇撒俱隆慶子

周王胡都古

魏王合祿俱隆禧子

幽王薺哥

三世 祇候郎君王家奴

祇候郎君羅漢奴俱蘇撒子

聖宗系

齊國王劉杯

一世

皇太叔重元

柳城郡王別古特

燕王吳哥

南府宰相狗兒

混同郡王候古

二世 涅魯古重元子

五世 敵烈吳哥玄孫

興宗系

一世 皇太叔和魯幹

二世

漆水郡王石篤

匡義節度遠

秦晉國王淳稱帝俱和魯幹子

金

太祖應乾興運昭德定功仁明莊孝大聖武元皇帝其始

祖諱函普其部人兩族有鬪者函普解之遂得六十歲

未嫁之女生二男一女長曰烏魯次曰幹魯女曰注思

板因為完顏部人姓完顏氏傳德帝始祖長子安帝德帝子獻

祖安帝昭祖獻祖子至太祖本諱阿骨打後改諱旻乃

世祖第二子母曰翼簡皇后拏懶氏以收國元年正月

即帝位建國號曰金取其堅又自為完顏氏部色也二年詰班勃極烈

吳乞買及群臣上尊號曰大聖皇帝七年八月戊申崩

于部堵西行宮在位九年壽五十六改元二收國十

年天輔七年

太宗體元應運世德昭功哲惠仁聖文烈皇帝本諱吳乞

買改諱晟世祖第四子母曰翼簡皇后孛懶氏太祖母

弟初為穆宗養子收國元年七月命為詰班勃極烈太

祖崩即即位十三年正月崩于明德宮壽六十七改

元一天會十三年

熙宗弘基續武莊靖孝成皇帝本諱合剌改諱亶太祖孫

景宗子母蒲察氏天會八年詰班勃極烈果薨定為儲

二十三年即帝位皇統元年正月群臣上尊號曰崇天

體道欽明文武聖德皇帝九年平章政事亮與所親駙

馬唐括等謀亂弑帝時年三十一降帝為東昏王世宗

初元復帝號閔宗十九年升祔太廟增謚二十七年改

號熙宗改元二天眷三年皇統九年

廢帝海陵庶人亮字元功本諱廸魯乃遼王宗幹第二子

母大氏弑熙宗自立群臣上尊號曰法天應運睿武宣

文大明聖孝皇帝正隆元年正月群臣上尊號曰聖文

神武皇帝六年完顏元宜等軍反遇弑在位十一年壽

四十大定二年降封海陵郡王謚曰煬二十年詔降為

海陵庶人改元三天德四年元貞五年正隆六年

續文獻通考 卷之二百八十九 四島志蘇天
世宗光天興運文德武功聖明仁孝皇帝本諱烏祿改諱
雍太祖孫睿宗子也毋曰貞懿皇后李氏初封曹國海
陵陰謀爲害未發及南征軍士遂立爲帝天定初群臣
上尊號曰仁明聖孝皇帝五年二月群臣加上尊號曰
應天興祚仁德聖孝皇帝十一年十一月群臣復上尊
號曰應天興祚欽文廣武仁德聖孝皇帝二十九年正
月癸巳崩于福寧殿壽六十七 改元一大定二十九
年

章宗憲天光運仁文義武神聖英孝皇帝諱璟小字麻達
葛世宗子也毋曰孝懿皇后徒單氏大定二十九年正
月世宗崩即帝位于柩前太和八年十一月丙辰崩于

福安殿在位二十四年壽四十一 改元三明昌六年

承安五年太和八年

衛紹王諱允濟小字興聖章宗時避顯宗諱詔改允爲永
世宗第七子進封衛王章宗無嗣承遺詔即帝位于柩
前爲胡沙虎所弒降封東海郡侯貞祐四年追復衛王
改元三大安四年崇寧一年至寧一年

宣宗繼天興統述道勤仁英武聖孝皇帝本名吾覲補改
諱珣顯宗長子毋曰昭華劉氏至寧元年八月衛紹王
被弒徒單銘等迎即帝位元光二年十二月崩在位十
年壽六十 改元三貞祐五年興定五年元光二年

哀宗諱守緒初諱守禮又諱寧申速宣宗第二子宣宗崩

即位于柩前宋元兵逼傳位于承麟自焚幽蘭軒在位
十一年壽三十二 改元三正大八年開興十年天興
二年

右金帝九人起收國元年乙未終天興三年甲午共一
百二十年

追帝者三人

景宣皇帝諱宗峻本諱繩果太祖第二子母曰聖穆皇后
唐括氏宗峻在諸子中最嫡克遼西京有功太祖崩與
兄宗幹率宗室群臣立太宗天會二年薨熙宗即位上
尊謚曰景宣皇帝廟號徽宗改葬興陵海陵弑熙宗自
立降熙宗為東昏王降帝為豐王世宗復帝熙宗廟謚

尊帝為景宣皇

睿宗顯仁啓聖廣運文武簡肅皇帝諱宗堯初諱宗輔本
諱訛里朶太祖第八子母曰宣獻皇后徒單氏帝尅偉
尊嚴人望而畏寬恕好施敦尚誠實太祖征伐四方諸
子皆總戎旅帝常在帳幄伐遼宋皆有功天會十三年
薨年四十陪葬睿陵追封潞王謚襄穆皇統六年進冀
國王正隆二年改封許王子世宗即位追上尊謚廟號
二年改葬于大房山號景陵

顯宗體道弘仁英文睿德光孝皇帝諱允恭本諱胡土瓦
世宗第二子母曰明德皇后烏林答氏大定八年冊為
皇太子二十五年薨謚為宣孝太子二十九年世宗崩

太孫即位是為章宗追上尊謚祔廟陵曰裕陵帝天性
仁厚孝友在東宮二十五年承意開道四方陰受其賜
皇太后 太皇太后

熙宗天會十三年未改元九月尊太祖后統石烈氏太宗后

唐括昏氏為太皇太后十四年未改元正月朝太皇太后

于兩宮是月太皇太后統石烈氏崩謚欽獻葬睿陵十

五年未改元正月朝太皇太后于明德宮 天眷元年九

月朝太皇太后于明德宮 皇統元年九月至自燕京

朝太皇太后于明德宮三年三月太皇太后唐括氏崩

五月致祭皇太后八月謚欽仁葬恭陵四年正月祭欽

仁皇太后哭盡哀

海陵天德二年正月尊嫡母徒單氏及母大氏皆為皇太

后名徒單后宮曰永壽大氏宮曰永寧十一月以太后

旨稱令旨 元貞元年四月皇太后大氏崩大氏與徒

單后甚相得徒單后嘗以海陵之弑熙宗為非又后生

日置酒大氏起為壽徒單方與諸公主語大氏蹠者久

之海陵怒曰今日之事豈能尚如前日邪明日召諸公

主及宗婦與徒單語者皆杖之已遷中都獨留徒單於

上京而大氏思念不已臨崩命海陵必迎致謹事之

二年六月遂命右丞相僕散師恭大中正丞胡拔魯如

上京迎永壽皇太后九月親迎皇太后於流沙河令左

右約杖二束自隨跪謝久缺溫清罪十月皇太后至中

都居壽康宮 正隆四年正月朝皇太后於壽康宮外
極恭順而心懷忿怒 六年八月以皇太后諫伐宋命
大懷忠等持詔見太后於寧德宮斥令跪受太后方下
跪虎特未從後擊弒之仍命即宮中焚其尸棄其骨水
中

按海陵之與姑若姊妹若宗室婦無不污殘也者跡其
暴橫豈止弒徒單為夷狄所無哉彼大氏之於徒單至
厚矣臨沒猶不能忘卒不免於祖落之後大氏不瞑矣
大定二十九年正月章宗初以皇太后命為令旨二月
名皇太后所居宮曰隆慶設衛尉等官三月朝於隆慶
宮每月一朝或至再至五

章宗明昌元年十二月朝皇太后於隆慶宮詔有司正旦
先賀隆慶宮然後進酒

宣宗貞祐元年閏九月追尊皇妣為皇太后

哀宗正大元年正月尊皇后溫敦氏元妃溫敦氏皆為皇
太后 八年九月慈聖皇太后溫敦氏崩遺詔園陵制
度務從儉約十二月葬明惠皇后

后妃

金代后不娶族甥舅之家有周姬齊姜之義初諸妃皆無
位號熙宗始有貴妃賢妃德妃之號海陵後宮寢多元
妃妹妃惠妃貴妃賢妃宸妃麗妃淑妃德妃昭妃溫妃
柔妃凡十二位大定後宮簡少明昌以後大倚內官制

度諸妃視正一品比三夫人昭儀昭容昭媛修媛充儀
充容充媛視正二品比九嬪婕妤九人視正三品美人
九人視正四品才人九人視正五品比二十七世婦寶
林二十七人視正六品御女二十七人視正七品采女
二十七人視正八品比八十一御妻又有尚宮尚儀尚
服尚食尚寢尚功皆內官也

太祖聖穆皇后唐括氏天會十三年追謚 光懿皇后裴

滿氏天會十三年追謚 欽憲皇后紇石烈氏天會十

三年尊爲太皇太后宮號慶元十四年丁丑崩二月癸

卯祔葬睿陵 宣獻皇后僕散氏睿宗母天會十三年

追冊曰德妃大定元年追謚 崇妃蕭氏熙宗時封貴

妃天德二年封元妃尋封太妃後太妃誣以隱惡殺之

大定十九年詔改葬追封崇妃

太宗欽仁皇后唐括氏熙宗即位與欽憲皇后俱尊爲太

皇太后號明德宮皇統二年崩謚曰欽仁皇后祔葬恭

陵熙宗悼平皇后裴滿氏初封貴妃天眷元年立爲皇

后干預政事熙宗積怒殺之海陵弒熙宗以后死無罪

追謚悼皇后大定間加謚悼平皇后祔葬思陵

海陵嫡母徒單氏宗幹正室無子次室大氏生海陵庶人

海陵弒熙宗與大氏俱尊爲皇太后大氏崩以待婢高

福娘譖遂見弒後貶海陵爲庶人宗幹去帝號復封遼

王降封徒單氏爲遼王妃 生母大氏天德二年與徒

單氏俱尊為皇太后貞元元年崩謚慈憲皇后與德宗合葬大房山升祔太廟大定七年追降為遼王夫人

海陵后徒單氏斜也之女初為岐國妃天德二年立為后

海陸後宮寢多后寵衰希得進見海陵伐宋后與子光

英居守後海陵遇害光英亦被殺后至中都居于海陵

毋大氏故宮世宗憐其無依詔歸父母家歲賜錢二千

貫奴婢皆給官廩大定十年卒 海陵諸嬖初即位時

進徒單氏為皇后第二娘子 大氏封貴妃第三娘子

蕭氏封昭容 耶律氏封修容 其後貴妃大氏進

封惠妃貞元元年進封妹妃正隆二年進封元妃 昭

容蕭氏天德二年特封淑妃貞元二年進封宸妃 修

容耶律氏天德四年進封昭媛貞元元年進昭儀三年

進封麗妃即位之初後宮止此三人尊卑之叙等威之

辨若有可觀者及其侈心既萌淫肆蠱惑不可復言矣

昭妃阿里虎姓蒲察氏初嫁宗盤子阿虎迭阿虎迭

誅再嫁宗室南家南家死海陵納之初封賢妃再封昭

妃後以嗜酒寵衰又以待女服男子衣冠號假廝兒有

勝哥者與同卧起如夫婦厨婢二娘以告使人縊死之

貴妃定哥姓唐括氏崇義節度使烏帶之妻海陵使定

哥殺烏帶而納之定哥自其夫在時與家奴闇乞兒通

及為貴妃寵頗衰欲以計納乞兒宮中恐聞者索之乃

令侍兒以大篋盛棄衣其中遣人載入宮闈者始見悔

續文獻通考 卷之二百八十九 二百六十四陸本
懼定哥復使人詰責曰我天子妃親體衣耳爾故玩視
何耶我且奏之聞者惶恐謝後不敢遂復以篋盛乞兒
入宮十餘日使衣婦人衣雜諸宮婢抵暮遣出後事覺
定哥縊死乞兒伏誅

睿宗欽慈皇后蒲察氏睿宗元配睿宗爲左副元帥薨追
封潞王后封爲潞王妃皇統六年進號冀國王妃正隆
例降封許王妃世宗卽位睿宗升祔追謚欽慈皇后

貞懿皇后李氏世宗母遼陽人睿宗薨時世宗年十三
后教以義方嘗謂親曰吾兒有奇相貴不可言居上京
內治嚴肅臧獲皆守規矩衣服飲食器皿皆精潔敦睦
親族周給貧乏宗室中甚敬之後有欲續娶者后乃祝
髮爲比丘尼號通慧圓明大師賜紫衣歸遼陽營建清
安禪寺別爲尼院居之正隆六年五月卒世宗卽位謚
曰貞懿皇后其寢園曰孝寧宮

世宗昭德皇后烏林荅氏性聰敏孝慈在父家宗族敬重
既歸世宗事舅姑孝謹治家有叙世宗在濟南海陵召
後來中都后曰我不行上必殺王我當自勉不以相累
也至良鄉自殺大定二年追冊爲昭德皇后世宗終身
不立后曰念皇后之德今無其比也章宗時有司奏太
祖謚有昭德字改謚明德皇后 元妃張氏父玄微母
高氏與世宗母貞懿皇后葭蓂戚世宗納爲次室生趙
王永中而卒大定二年進封宸妃又進惠妃十九年進

元妃 元妃李氏南陽郡王李石女生鄭王允蹈衛紹
 王允濟潞王允德豫王允成母昭儀梁氏早卒上命允
 成爲妃養于大定九年封賢妃二年進貴妃七年進元
 妃妃雖貴不預政二十一年薨于長春宮還葬京師海
 王莊二十八年陪葬坤厚陵衛紹王即位追謚光獻皇
 后貞祐三年九月崩皇后號

顯宗孝懿皇后徙單氏其先忒里闐棘人父貞尚遼王宗
 幹女梁國公主后生于遼陽生時母夢神投寶珠光焰
 滿室既生紅光燭庭稍長父母令總家政細大畢辦諸
 男不及也大定四年納爲皇太子妃未幾生皇孫又生
 麻達葛山后素謹畏戒其父母家善自保持而后家果

以海陵事敗蓋其遠慮如此章宗即位尊爲皇太后奉
 禮司至又嘗戒諸姪毋肆非違以干常憲明昌二年崩
 于隆慶宮年四十五謚曰孝懿祔葬裕陵 昭聖皇后
 劉氏遼陽人天眷九年九月夜后家若見有黃衣女子
 入其母室中者俄頃后生性聰慧凡字過目不忘讀孝
 經旬日終卷大定元年選入東宮二年三月十三日宣
 宗生是日大雨震電后驚悸得疾卒承安五年贈裕陵
 昭華宣宗即位追尊皇太后

章宗欽懷皇后蒲察氏上京路曷速河人始生有紅光被
 體移時不散就養于姨冀國公主既長孝謹如事所生
 大定二十三年章宗爲金源郡王行納采禮世宗遣近

侍就賜金百兩銀千兩廐馬六匹重綵三十端拜命間
慶雲見于日側觀者異之親迎後封金源郡王夫人後
進封妃崩帝即位加追冊詔告中外奉安神主于坤寧
宮歲時致祭大安初祔葬道陵 元妃李氏名師兒父
湘母王昉兒皆微賤大定末以監戶女子入宮時宮教
張建設青紗障教諸宮女性師兒易爲領解後章宗納
爲妃妃知文義善伺候顏色大見愛幸明昌四年封爲
昭容又進封淑妃遂欲立爲后大臣固執不可不得已
進封元妃章宗無嗣立衛王妃與完顏匡有力焉而匡
欲專爲已功遂誣構妃欲令宮人詐作有身計取他兒
充皇嗣乃賜妃自盡

衛紹王后徒單氏大安元年立爲皇后至寧元年胡沙虎
亂與衛王俱遷于衛邸帝遇弒宣帝即位衛王降爲東
海郡侯徒單氏削皇后號貞祐二年遷都汴詔凡衛紹
王及鄆厲王家人皆徙鄭州仍禁錮不得出入男女不
得婚嫁者十九年天興元年詔釋禁錮不知所終

宣宗皇后王氏中都人明惠皇后妹也其父嘗夢二玉梳
化爲月而生二后宣宗爲冀王時納爲元妃姊爲淑妃
淑妃生哀宗后無子養哀宗爲子貞祐二年七月賜姓
溫敦氏立爲皇后哀宗即位尊后爲皇太后后號其宮曰
仁聖及京城破后及諸妃嬪北遷不知所終 明惠皇
后王皇后之姊也生哀宗宣帝即位封爲淑妃及妹立

爲后進封元妃哀宗即位尊爲皇太后后號其宮曰慈聖
后性端嚴哀宗立爲皇太子有過尚切責之及即位始
免櫛楚尚食以玉盞奉太后及帝與中宮而荆王母真
妃龐氏以瑪瑙器進后見之怒曰誰令汝妄生分別荆
王母豈卑我兒婦耶是後宮中奉真妃有加或告荆王
謀不軌議獄已決后謂帝曰汝止一兄柰何欲以讒言
害之立趣赦出涕泣慰撫時有獻聖德中興頌者后不
悅曰僅一小捷何中興而譖之若此正太八年九月后
崩遺命薄葬十二月葬迎朔門外五里莊獻太子慕之
西謚明惠

哀宗皇后徒單氏宣宗及后有疾后嘗刲膚以進宣宗聞
而嘉之正大三年詔立爲皇后哀宗遷歸德遣后弟四
喜等請汴奉迎夜至陳留不敢進復歸于汴未幾城破
北遷不知所終

皇太子 皇子

太祖十六子聖穆皇后生景宣帝豐王烏烈趙王宗傑光
懿皇后生遼王宗幹欽憲皇后生宋王宗望陳王宗雋
潘王訛魯宣獻皇后生睿宗幽王訛魯朶元妃烏古論
氏生梁王宗弼衛王宗強蜀王宗敏崇妃蕭氏生紀王
習泥烈息王寧吉莒王燕孫娘子獨奴可生鄴王幹怒
太宗十四子蒲魯虎胡魯斛魯補阿魯帶阿魯補斛沙虎
阿鄰阿魯鶻懶胡里甲神土門斛勃束幹烈鶻沙母氏

所出俱不詳海陵時俱被害太宗後絕

熙宗二子長曰濟安悼平皇后以皇統二年二月生于天
 開殿時上年二十四始有子大赦天下告天地宗廟剪
 鬚復告天地宗廟旋冊為皇太子十二月濟安病劇上
 與皇后幸佛寺焚香流涕哀禱曲赦五百里內罪囚是
 夜薨謚英悼太子葬興陵之側命工塑像于儲慶寺次
 曰道濟賢妃所生皇統三年命為中京留守以直學士
 阿懶為都提點張玄素為同提點輔道之俄封魏王封
 其母為賢妃初居外後養之宮中未幾熙宗怒殺之
 金初制度未立太宗熙宗皆自諳班勃極烈即帝位諳
 班勃極烈者漢語最尊官也熙宗立濟安為皇太子始
 正名位定制焉

海陵四子皇太子光英宗王元壽宿王矧思阿補滕王廣

陽母氏所出不詳

睿宗二子長世宗次齊王吾里補

世宗十子昭德皇后生顯宗趙王執輦越王斜魯元妃張

氏生鄆王允中越王允功元妃李氏生鄭王允蹈衛紹

王允濟潞王允德昭儀梁氏生豫王允成才人石抹氏

生夔王允升執輦斜魯皆早卒

顯宗七子孝懿皇后生章宗昭聖皇后生宣宗諸姬田氏
 生鄆王承慶改名瀛王歡魯改名霍王阿鄰改名劉氏
 生瀛王吾里補改名王氏生溫王謀良虎改名

章宗六子欽懷皇后生絳王洪裕資明夫人林氏生荆王
洪靖諸姬生榮王洪熙英王洪行壽王洪輝元妃氏
生葛王忒鄰六子皆早卒

衛紹王六子皇太子從恪次猛安名按出次名按辰次名按辰
瑪可考四人毋氏所出不詳

宣宗四子莊獻太子守忠及玄齡其母未詳明惠皇后生
未帝真妃麗氏生荆王守純守忠子冲懷皇太孫鑑守
純子曹王訛可戴王其鞏王李德時有肉芝狐號之惟
諸王及宗室皆死青城

公主史多不全

太祖女畢國公主下嫁烏古訛論

太宗女鄂國公主下嫁奪阿鄰

熙宗女鄭國公主下嫁蒲察鼎壽 潘國公主下嫁徒單

史云第七女又府君奴尚熙宗女不著封號

睿宗妹梁國公主下嫁僕散揆

睿宗女楚國公主下嫁唐括德温 冀國公主下嫁烏古

論粘没喝

海陵姊遼國公主迪鉢 定國公主崔哥 女弟慶宜公

主皆下嫁蒲察阿虎迭

世宗女魯國公主下嫁烏古論元忠第一女 唐國公主下嫁

徒單思忠第二女 吳國公主下嫁唐括貢第四女 宛國公主

下嫁烏林荅復第七女 定國公主景國公主道國公主皆

續文獻通考 卷之三十八 三十一 周選

下嫁蒲察辭不失 衛國公主下嫁蒲速烈 韓國公主下嫁僕散揆 澤國公主長樂與鄭王永蹈謀不軌 賜自盡不著所尚以上皆不知次第

顯宗女鄴國公主下嫁烏古論誼 邢國公主下嫁僕散安貞昇國公主不著所尚

章宗女郅國公主下嫁烏林答琳

宣宗女溫國公主不著所尚

皇族

熙宗皇統四年詔左丞勗平章政事奕職俸外別給二品俸舊制皇兄弟子爲皇子給二品俸宗室封一字王者給三品俸勗等別給二品俸異數也 六年正月封太

祖諸孫爲王

海陵天德二年四月殺太宗子孫七十餘人周國王宗翰子孫三十餘人諸宗室五十餘人十二月詔改定繼絕法 正隆二年三月改定親王以下封爵等第命置局追取存亡告身存者二品以上死者一品叅酌削降公私文書但有王爵字者皆立限毀抹雖墳墓碑志並發而毀之

世宗大定二年授張錫河間府事引見于香閣諭曰聞皇族居彼者縱甚公當以法繩之錫下車宣布詔言後無有撓政亂民者十二年十月以德州防禦使文貲產賜其兄之子咬住且論其母日文之罪汝等皆當連坐念

宋王有大功于國故置不問仍以家產賜汝子十月上
謂宰臣曰宗室中有不任官事者若不加恩澤于親親
之道未弘朕欲授以散官量與廩祿未知前代何如左
丞石琚曰陶唐親九族周家睦九族見于詩書皆帝王
美事也十六年正月詔宗室未附玉牒者並與編次十
七年二月上謂宰臣曰宗室中年老者往往未有官稱
其先皆有功于國朕欲稍加以官使有名爵者可稱如
何對曰親親報功帝王之令則五月尚書省奏定皇家
袒免以上燕享班次並從唐制十八年十一月尚書省
奏擬宗室同知永寧軍節度使阿可爲刺史上以阿可
年幼雖宗室不可私阻之二十年四月制宗室及外戚
并一品命婦衣服聽用明金二十二年十月徙河間宗
室于平州二十五年四月以會寧府官一人兼太宗正
丞以治宗室之政是月宴宗室宗婦于皇武殿大功親
賜官三階小功二階總麻一階年高屬近者加宣武將
軍及封宗女賜銀絹各有差曰朕尋常不飲酒今日甚
欲成醉此樂亦不易得也宗室婦女及群臣故老以次
起舞進酒上曰吾來數月未有一人歌本曲者吾爲汝
等歌之命宗室子弟叙坐殿下者皆坐殿上聽上自歌
其詞道王業之艱難及繼述之不易至慨想祖宗宛然
如覩慷慨悲激不能成聲歌畢泣下右丞相元忠率群
臣宗戚捧觴上壽皆稱萬歲于是諸夫人更歌本曲如

私家之會既醉上復續調至一鼓乃罷二十九年六月時章宗已即位詔有司諸親王到任各給錢二十萬

章宗明昌元年六月制定親王家人有犯其長史府掾失覺察故縱罪八月勅麻吉以皇家祖免之親特收充尚書省祗候郎君仍為永制三年四月勅親王衣領用銀褐紫緣十月諭諸王府傳尉勸道彌縫無及鎖碎之事無妨公道者四年十二月諸王府增置司馬一人五年九月修玉牒成定皇族收養異姓男為子者徒三年姓同者減二等立嫡為後者徒一年太和六年三月大睦親府進重修玉牒七年遣中使馮賢童以實封御札賜張行簡曰朕念鎬鄭二王誤干天常自貽伊戚藁葬郊

野多歷年所朕甚悼焉欲追復前爵備禮改葬卿可詳閱唐貞觀追贈隱巢并前代故事密封以聞又曰欲使石古乃于幽州擇地管葬歲時致奠兼命衛王諸子中立一人為鄭王後修其祭祀此事既行理須降詔卿草詔文大意一就封進行簡乃具漢淮南厲王長楚王英唐隱太子建成巢刺王元吉譙王重福故事為奏并進詔草遂施行焉時以衛王子按辰為鄭王後

宣宗貞祐三年九月命司屬令和尚等護治鞏國公按春第上謂宰臣曰按春所為不慎或至犯法令之則理所不容治之則失親親之道但當設官防之耳按春尋以不法謫博州防禦使興定元年八月御史大夫宋錫失

律當斬從坦以近族上疏救之乃削官爵特貸其死元
光二年詔論宰臣曰樞密副使賽不本皇族也先世偶
然脫遺朕重其舊人且久勞王事已命睦親府附屬籍
矣卿等宜知之

哀帝正大二年十月內族王家奴故殺鮮于主簿權貴多
救之者上曰英王朕兄敢妄撻一人乎朕爲人主敢以
無罪害一人乎衰弱之際生靈有幾何而族子恃勢殺
主簿吾民無主矣特命斬之天興元年四月釋鎬厲王
衛紹王二族禁錮聽自便

始祖系

一世 幹魯 與德帝凡二人

八世

匡 本名撒速

德帝系

一世 輩魯 與安帝凡二人

三世 胡率 輩魯孫

四世 特進劾者

安帝系

一世 信德 謝庫德 謝夷保 謝里忽 與獻祖共五人

二世 開府儀同三司益納 夷保子

三世 儀同三司拔達 庫德孫

獻祖系

一世 朴都 阿保寒 敵酷 敵古廼 撒黑

昭祖系

撒葛周 與昭祖共七人

一世

烏骨出

跋黑

跋里黑

斡里安

胡失荅 與景祖共六人

二世 勃極烈辭不失 本名何買 烏骨子

三世 太保兼都元帥昂 本名奔視 跋黑孫

四世

寧州刺史宗亨 辭不失孫

尚書右丞相宗賢 辭不失孫

右丞相兼都元帥宗浩 昂子

景祖系

一世

韓國公劾者

沂國公劾孫

代國公劾真保

虞國公麻頗

阿離合懣

勃極烈鄭國公謾都訶 本名阿捨與世祖 肅宗穆宗共九人

二世

忽魯勃極烈金源郡王撒改 劾者子

西南路都統金源郡王斡魯 劾者子

大司空昱 本名蒲家 奴劾孫

金紫光祿大夫謾都本

麻頗子

謾也 麻頗子

太尉左丞相晏

本名幹魯又名訛論合懣子

工部尚書謀里也

謾都訶子

三世

太保領三省事晉國王宗翰

本名粘沒

特進扎保廸

撒改子

尚書右丞相宗憲

撒改子

銀青光祿大夫撒八

幹魯子

平章政事宗尹

賽也子

平章政事宗寧

賽也子

忽里乃

晏子

河南路統軍使宗道

晏子本名八十

四世

賽里

撒八子

韓州刺史

字寧子

五世

左丞相秉德

宗翰孫

斜哥

宗翰孫

阿魯

昂魯孫

世祖系

一世

諳班勃極烈遼王杲

本名斜也

魏王幹蒂

鄭王幹賽

魯王幹者

漢王烏古乃

魯王閣毋

續文獻通考 卷之三百八十九 三十九 三百八十九 頭成

沂王查刺

鄆王霸合布里

平章政事鄆王昂

本名烏特與康宗太宗共十二人

二世

平章政事宗義

本名索吉

龍虎衛上將軍蒲馬

龍虎衛上將軍孛論出

龍虎衛上將軍阿魯

龍虎衛上將軍偃喝

襲猛安阿虎里六人俱

震武軍節度使宗永

幹賽子

驃騎上將軍神土憇幹者子

驃騎上將軍神土憇

幹者子

叅知政事宗叙闍毋子

益都尹鄭家

昂子

群牧使鶴壽昂子

特進悟烈

霸合布里子

三世

御史大夫璋

本名胡麻愈神土憇子

右丞相承暉

鄭家子

順義軍節度使秉

本名醜漢悟烈子

肅宗系

一世 溫國公釋酷欵

崇國公蒲魯虎

穆宗系

一世

太師領三省事勗

本名烏也

左副元帥捷懶

齊國公蒲察

崇國公蒲里迭

銀青光祿大夫撒祀

二世 刑部尚書宗秀

勗子

康宗系

一世

楚王謀良虎改名宗雄

昭武大將軍同副苗

龍虎衛上將軍隈可

二世

余里也

襲猛安蒲魯虎

太子太保余源郡王按荅海

兵部尚書阿鄰已上五人俱謀良虎子

三世

金紫光祿大夫桓端蒲魯虎子

四世

上京路提刑使蒲帶余里也系 梟頻桓端子

太祖系

一世

太師領三省事遼王宗幹

左副元師宋王宗望本名韓離不

太師領三省事梁王宗弼本名九木

豐王烏烈

趙王宗傑

右丞相陳王宗阿

瀋王訛魯

幽王訛魯朶

衛王宗強

左丞相曹王宗敏

紀王習泥烈

息王寧吉

莒王燕孫

鄴王幹忽

二世

左丞相代王克

大尉領三省事克

輔國上將軍襄

西京留守衮已上俱宗幹子

齊

西京留守京

大名尹荆王文已上俱宗墜子

廣寧尹韓王享

羊蹄已上俱宗弼

會寧牧鄧王奭宗傑子

太子太傅榮王爽本名阿鄰

兵部尚書可喜

濟南尹阿瑣已上俱宗強子

舒國公褒

密國公阿里罕已上俱宗敏子

三世

歸德軍節度使檀奴

永元本名元奴

同知濟南尹耶補

輔國上將軍阿里白已上俱充子

同知定武軍節度使阿合子應國公和尚襄子

捷懶 襲猛安敵佳齊子

阿懶奭子

太宗系

一世

太師領三省事宋王宗盤 左丞相函王宗固

代王宗雅 虞王阿魯補

滕王斛沙虎 薛王宗懿

左丞相原王宗本 翼王鶴懶

豐王宗美 鄆王神土門

霍王斛字東 蔡王幹烈

畢王宗哲

徐王宗順

二世 阿里虎 宗本子

世宗系

一世

鎬王永中

趙王執輦

越王斜魯

越王永功

豫王永成

堯王永升

鄭王永蹈

曹王永德

二世

瑜 本名石古乃

璋 本名神土門

玘 本名阿思邁

瑒 本名阿離合邁

璐 本名福孫為奉國上將軍

壽 本名壽孫封密國公

琳 本名粘沒喝已上俱永功子

璋 本名仁壽

瑋 本名仁安已上俱永成子

璉 本名懽觀永升子

按春

阿辛 二人俱永蹈子

琰 本名幹論永德子

不知世次者十一族

阿古廼始祖兄其裔有撻不也 遼太尉 合住 遼領辰復二州 撻不也

之子為胡十門 驃騎衛上將軍 孫為鈎室合住之子為蒲速越

遼中正節度使 為余里也 曹州防禦使 為希輝 順天軍節度使

保活里始祖弟其四世孫為澤不乃五世孫為石土門源

郡王 石土門之子為習失 特為思敬政事 為阿斯邁為廸

古乃 同中書門下平章事

婆盧火安帝五代孫 秦州都統 其子為婆速孫為吾扎忽

胡特孛山婆盧火族兄弟其子為杲 本名撒離喝行臺尚書左丞相 孫為

宗安 御史大夫

釋古昭祖魯孫 東京留守 其子為阿魯帶 參知政事 孫為襄 尚書左丞相

崇成昭玄孫 武衛軍都指揮使

冶訶系出景祖 銀青光祿大夫 其子為阿魯補 元帥右將軍 為骨赧 天

軍節度使 為訛古乃 西南路招討使 為撒荅而骨赧之子為喜哥撒

荅之子為蒲查 西南路招討使

阿離補系出景祖 行臺右丞相 其子為烏帶 尚書左丞相 為方 簽書樞密

院事

胡八魯穆宗孫 寧州刺史 其子為齊 利涉軍節度使

拔離速宗室子 元帥左監軍 其族子為銀朮可 同中書門下平章事 為麻

吉 銀青光祿大夫 而銀朮可之子為毅英 平章政事 麻吉之子為沃

側 西北路招討使

宗賢太祖從姪本名阿魯 婆速路兵馬都總管

又朮魯 胡石改 阿喜 突合速皆宗室子不知所

出

元

太祖諱鐵木真姓奇渥溫氏蒙古部人其十世祖孛端義

兒母曰阿蘭果火夫亡阿蘭寡居夜寢帳中夢白光自

天窗中入化為金色神人來趨卧榻阿蘭驚覺遂有娠

產一子即孛端义兒也孛端义兒歿于八林昔黑刺秃合必畜嗣生子咩撚篤敦妻曰莫挈倫為押刺伊所滅惟長孫海都得免諸民共立為君海都歿于拜惟忽兒嗣拜惟忽兒歿于敦必乃嗣敦必乃歿于葛不律寒嗣葛不律寒歿于八哩丹嗣八哩丹歿于也速該嗣并吞諸部落勢愈盛大也速該崩至元三年十月追謚烈祖神元皇帝初烈祖征塔塔兒部獲其部長鐵木真宣懿太后月倫適生帝手握凝血如赤石烈祖異之因以所獲鐵木真名之帝既立滅汪罕伐乃蠻征西夏拔力吉里寨經落思城大掠人民及其橐駝而還元年丙寅帝大會諸王群臣建九旂白旂即皇帝位於斡離河之源

諸王群臣共上尊號曰歲吉思皇帝壽六十正葬起輦谷至元三年冬十月追謚聖武皇帝至大二年冬十一月庚辰加謚法天啓運聖武皇帝廟號太祖在位二十二年是歲皇子拖雷監國

太宗英文皇帝諱窩闊台太祖第三子母曰光獻皇后弘吉刺氏太祖伐金定西域帝攻城畧地之功居多太祖崩以遺詔即皇帝位始立朝儀皇族尊屬皆拜頒大札撒華言大法令也十三年十一月丁亥大獵辛卯遑明帝崩於行殿在位十三年壽五十六葬起輦谷追謚英文皇帝廟號太宗

定宗簡平皇帝諱貴由太宗長子母曰六皇后乃馬真氏

太宗嘗有旨以皇孫失烈門為嗣太宗崩皇后臨朝元年秋七月即皇帝位於汪吉宿城禿里之地帝雖御極而朝政猶出於六皇后三年春帝崩在位三年壽四十三葬起輦谷追謚簡平皇帝廟號定宗

憲宗桓肅皇帝諱蒙哥睿宗拖雷長子母曰莊獻太后歲戊辰十二月三日生帝時有黃忽答部知天象者言帝後必大貴故以蒙哥為名蒙哥華言長生也太宗在潛邸養以

為子屬昂灰皇后撫育之既長為娶大魯刺部女火里差為妃及睿宗薨乃命歸藩邸從征伐屢立奇功歲戊申定宗崩諸王拔都木哥等建議推戴即皇帝位於斡難河遂改更庶政命皇弟忽必烈領治蒙古漢地民戶

九年六月帝不豫癸亥崩于釣魚山壽五十二在位九年追謚桓肅皇帝廟號憲宗

世祖皇帝諱忽必烈睿宗皇帝第四子母莊聖太后怯烈氏以乙亥歲八月乙卯生及長仁明英睿事太后至孝尤善撫下納弘吉刺氏為妃憲宗盡屬以漠南漢地軍國庶事遂南駐瓜忽都之地憲宗殂親王諸大臣勸進辛卯即皇帝位三十一年春癸酉帝崩於紫檀殿在位三十五年壽八十承正統實計十六年百官請謚於南郊上尊謚曰聖德神功文武皇帝廟號世祖國語尊稱曰薛禪皇帝建元二 中統四年至元三十一年成宗諱鐵穆不世祖之孫裕宗真金第三子母徽仁裕聖

皇后弘吉烈氏至元三十一年春正月世祖崩夏四月甲午即皇帝位十一年春正月帝崩于玉德殿在位十三年壽四十二謚曰欽文廣孝皇帝廟號成宗國語曰完澤篤皇帝改元二元貞二年大德十一年

武宗諱海山順宗答剌麻八剌之長子母興聖太后弘吉刺氏成宗大德三年封爲懷寧王賜金印十一年成宗崩以世祖曾孫之嫡裕宗正派之傳即位于上都至大四年春正月庚辰帝崩於玉德殿在位五年壽三十一百官也先鐵木兒等上尊謚曰仁惠慈孝皇帝廟號武宗國語曰曲律皇帝改元一至大四年

仁宗諱愛育黎拔力八達順宗次子武宗之弟母興聖太后弘吉刺氏至大四年春正月庚辰武宗崩庚寅即皇帝位于大明殿七年春正月辛丑帝崩於光天宮壽三十有六在位十年癸卯葬起輦谷從諸帝陵五月乙未群臣上謚曰聖文欽孝皇帝廟號仁宗國語曰普顏篤皇帝改元二皇慶二年延祐七年

英宗諱碩德八剌仁宗嫡子母莊懿慈聖皇后弘吉刺氏延祐三年十二月丁亥立爲皇太子授金寶七年春正月戊戌仁宗不豫帝憂形於色夜則焚香泣天求代辛丑仁宗崩帝哀毀過禮素服寢於地日齎一粥三月庚寅帝即位於大明殿五月壬辰朔車駕幸上都還駐南坡鐵失赤斤鐵木兒等弑帝於行幄年二十一從葬諸

帝陵泰定元年二月上尊謚曰睿聖文孝皇帝廟號英宗改元一至治王年正月五日車駕崩

泰定皇帝諱也先鐵木兒顯宗甘麻刺之長子裕宗之嫡

孫初世祖以第四子那木罕為北安王北安薨顯宗以

長孫封晉王至元十三年帝生於晉邸嗣晉王仍鎮北

邊成宗武宗仁宗之立咸與翊戴謀有盟書焉英宗遇

弒諸王按梯不花奉皇帝璽綬北迎帝于鎮所癸巳即

皇帝位於龍居河致和元年七月庚午帝崩于上都

在位五年壽三十六帝雖裕宗長孫以自立故文宗不為

立廟謚止稱為泰定帝改元二泰定五年後改致和

王禰曰武帝以兄弟相及約繼世子孫迭居大位而仁

宗惑於儉言不踐宿諾傳位英宗乃使武宗二子明宗

文宗出居於外及英宗遇弒而明宗在北文宗在南晉

邸乘間入繼大統或謂晉邸非所宜立雖然晉王於世

祖孫也於次為長雖守藩服嘗有盟書今國統之弗繼

則末所當立者舍晉王之系將誰屬耶然則謂晉王非

所宜立亦過也

明宗諱和世疎武宗長子母仁獻莊聖皇后亦乞烈氏成

宗崩武宗入繼大統立仁宗為皇太子命以次傳於帝

仁宗立議建東官時丞相鐵木迭而欲固位取寵乃議

立英宗為皇太子封帝為周王出鎮雲南延祐七年仁

宗崩英宗嗣立為御史大夫鐵失等所弒晉王也先鐵

續文獻通考卷之三百八十七

木兒自立爲泰定皇帝泰定崩迎帝弟懷王於江陵正大位是爲文宗帝即位於和寧之北遣武寧王徹禿及哈八兒禿立文宗爲皇太子庚辰帝暴崩年三十在位六月是月己亥皇太子復即皇帝位尊謚曰翼獻景孝皇帝廟號明宗

文宗諱圖帖睦爾武宗次子明宗弟毋文獻昭聖皇后唐兀氏武宗崩傳位於弟仁宗立英宗爲皇太子及英宗即位出帝居於海南未幾鐵失等爲逆晉王自立爲泰定帝召帝於海南之瓊州封懷王泰定皇帝崩於上都燕鐵木兒舉義馳驛迎帝至京師即位於大明殿己遣使奉迎皇兄明宗皇帝於漠北明宗崩帝以明宗后之

命即位於上都文武百官上尊號曰欽天統聖至德成
功大文孝皇帝至順三年帝崩於大都在位五年壽二
十有九元統二年上尊謚曰聖明元孝皇帝國語曰札
牙篤皇帝三月己酉祔於大廟後至元六年六月以帝
謀爲不軌使明宗飲恨而崩詔除其廟主改元二天曆
二年至順三年

丘氏濬曰按順帝紀後至元六年詔天下謂文宗謀爲
不軌使明宗飲恨而崩則文宗弒逆明矣史綱以暴卒
書何夫弒逆大罪也加人以大罪自非覈其獄詞真無
毫髮之疑何可輕以加人哉考史文宗崩有子燕帖古
思其后舍己子而立明宗之子寧宗寧宗死又迎寧宗

凡順帝於廣西而立之設使文宗果有弑逆之舉文宗
后獨不慮立所害之人之子他日不報讐于我乎使已
無子不得已尚求諸他况已有子乎雖后婦人慮不及
此當時同事之人如燕帖木兒輩固在也不慮及此何
哉意必順帝憾文宗謂已非明宗子出之於外欲逞其
憾或者遂從而構之耶其事之可疑有如此者此其所
以不敢加以大罪與然則文宗謂順帝非明宗子是歟
曰順帝生朔漠之外其事之真偽不可知若謂其爲瀛
國公之子則愚決不敢信以爲然也

寧宗諱懿璘質班明宗第二子母皇后乃蛮真氏天曆二
年封帝爲酈王至順三年文宗崩皇后導揚末命傳位

於明宗之子帝即位於大明殿二月壬辰帝崩年七歲
在位二月至元四年三月辛酉謚曰冲聖嗣孝皇帝廟
號寧宗

順帝名妥懽帖睦爾明宗之長子母罕祿魯氏名邁來迪
明宗后八不沙被讒遇害遂徙帝於高麗使居大青島
中不與人接越一載詔天下言明宗在朔漠之時素謂
非已之子移廣西之靜江寧宗崩燕鐵木兒請立燕帖
古思文宗后曰吾子尚幼妥懽帖睦爾在廣西今年十
三矣且明宗之長子禮當立之乃與大臣定議立帝四
年六月帝即位于上都至正二十八年大明兵至通
州夜半開建德門北奔後二年因痢疾殂於應昌壽五

十一在位三十六年。大明皇帝以帝知順天命退避而去。特加其號曰順帝。而封其孫買的里八剌爲崇禮侯。順帝改元三元。統二年。至元六年。至正二十八年。

追帝者四人

睿宗景襄皇帝諱拖雷。太祖第四子。太宗同母弟。太宗不豫。拖雷禱於天地。請以身代。居數日。太宗疾愈。拖雷從之。北還。至阿剌合的思之地。遇疾而薨。壽四十。妃怯烈氏子十一人。長憲宗。次四則世祖也。憲宗立。追謚曰英武皇帝。廟號睿宗。至元二年。改謚景襄皇帝。

裕宗諱真金。世祖嫡子。母昭睿順聖皇后弘吉烈氏。少從姚樞竇默受孝經及終卷。世祖大悅。十年立爲太子。仍兼中書令。判樞密院事。受王冊。十八年正月。昭睿順聖皇后崩。太子自獵。所奔赴。勺飲不入口者終日。設廬帳居之。世祖春秋高。江南行臺監察御史請禪位於太子。太子聞之。懼未幾。遂薨。年四十三。成宗即位。追謚曰文惠明孝皇帝。廟號裕宗。祔太廟。

顯宗諱甘麻剌。裕宗長子。母徽仁裕聖皇后弘吉烈氏。甘麻剌少育於祖母昭睿順聖皇后。日侍世祖。至元中奉旨鎮北邊。二十七年冬。封梁王。授以金印。出鎮雲南。二十九年。改封晉王。移鎮北邊。統領太祖四大幹耳朶及軍馬。達達國土。更鑄晉王金印。授之。世祖崩。晉王曰昔皇祖命我鎮撫北方。以衛社稷。久歷邊事。願服厥職。毋

弟鐵木耳仁孝宜嗣大統。于是成宗即帝位，而晉王復歸藩邸。元貞六年，王薨，年四十，子三人，曰也孫帖木兒、曰松山、曰迭里哥兒。不花王薨後十年，仁宗即位，謚王曰獻武。又十一年，英宗遇弒也。孫帖木兒以嗣晉王即皇帝位，追尊曰光聖仁孝皇帝，廟號顯宗，祔享太廟。又六年，文帝即位，乃毀其廟室。

順宗昭聖衍孝皇帝，諱荅刺麻八剌，裕宗第二子，母曰徽仁裕聖皇后弘吉刺氏。至元二十八年，出鎮懷州，以疾召還。明年春二月薨，年二十九，子三人，長曰阿木哥，封魏王，女侍鄂出也。妃所生者，曰海山，是為武宗，曰愛育黎拔力八達，是為仁宗。大德十一年秋，武宗即位，追謚

曰昭聖衍孝皇帝，廟號順宗，祔享太廟。

太上皇太皇太后皇太后 母后臨朝稱制及
推尊私親父母稱

仁宗延祐六年，帝語左右曰：前代有太上皇之號，今太子且長，可居大位，朕欲為太上皇，與若等遊觀西山，以終天年，群臣皆稱善。左司郎中月魯帖木兒曰：臣聞昔所謂太上皇，若唐玄宗、宋徽宗，皆當禍亂不得已而為之。願陛下正大位，保無疆之業，前代虛名何足慕哉！帝乃止。

世祖時，尊后弘吉刺氏為皇太后。

成宗即位，尊太母元妃曰皇太后。貞元元年四月，立掌謁司、掌皇太后寶秩四品，以宦者為之。

武宗即位尊太母元妃曰皇太后太后與子海山俱出居懷州至是海山自懷州至上都即位遂尊考曰皇帝母曰皇太后始居隆福宮後居興聖宮十一月帝朝隆福宮上皇太后玉冊王寶詔皇太后軍民人匠等戶租賦徭役有司勿與並隸宣徽院二年冬以皇太后疾釋太廟十月帝率皇太子諸王群臣朝興聖宮上皇太后尊號冊寶曰儀天興聖慈仁昭懿壽元皇太后仍謝太廟赦天下

仁宗延祐二年三月帝率諸王百官奉玉冊王寶加上皇太后尊號曰儀天興聖慈仁昭懿壽元全德泰寧福慶

皇太后

英宗以延祐七年三月即位尊皇太后爲太后旋受百官朝賀於興聖宮十二月帝率百官奉玉冊王寶加上皇太后尊號曰儀天興聖慈仁昭懿壽元全德泰寧福慶徽文崇祐太皇太后至治二年九月太皇太后崩十二月定謚太皇太后曰昭獻元聖遣太常禮儀院以謚議告於太廟

泰定時欲加號太后曰太皇太后命朝臣議之監察御史自當曰太后稱太皇太后於禮不合衆皆曰英宗何以加皇太后號曰太皇太后自當曰英宗孫也今上子也太皇太后之號孫可以稱之子不可以稱之也議遂定

寧宗即位奉王冊王寶尊文宗后不答失里爲皇太后十
二月皇太后御興聖殿受朝賀

順帝即位爲皇太后置徽政院設官屬三百六十有六員
元統二年十月奉王冊王寶上皇太后尊號曰贊天開
聖仁壽徽懿昭宣皇太后

至元元年正月以上皇太后冊寶遣官告祭天地太廟五
月皇太后以膺受冊寶恭謝太廟八月議尊皇太后爲
太皇太后許有壬諫以爲非禮不從十二月奉王冊王
寶上太皇太后尊號曰贊天開聖徽懿宣昭貞文慈佑
儲善衍慶福元太皇太后五年八月詔曰不答失里本
朕之嬪乃陰構奸臣弗體朕意潛膺太皇太后之號迹
其閨門之禍離間骨肉罪惡尤重揆之大義削去鴻名
徙東安州安置

皇太后御殿設於東朝殿

神宗即位為皇太后居徽政院設官屬二百六十有八

神宗二十八年春上冊王寶正皇太后尊號曰寶太后

神宗二十九年春上冊王寶正皇太后尊號曰寶太后

神宗三十年春上冊王寶正皇太后尊號曰寶太后

神宗三十一年春上冊王寶正皇太后尊號曰寶太后

神宗三十二年春上冊王寶正皇太后尊號曰寶太后

神宗三十三年春上冊王寶正皇太后尊號曰寶太后

神宗三十四年春上冊王寶正皇太后尊號曰寶太后

神宗三十五年春上冊王寶正皇太后尊號曰寶太后

神宗三十六年春上冊王寶正皇太后尊號曰寶太后

神宗三十七年春上冊王寶正皇太后尊號曰寶太后

神宗三十八年春上冊王寶正皇太后尊號曰寶太后

神宗三十九年春上冊王寶正皇太后尊號曰寶太后

神宗四十年春上冊王寶正皇太后尊號曰寶太后

神宗四十一年春上冊王寶正皇太后尊號曰寶太后

神宗四十二年春上冊王寶正皇太后尊號曰寶太后

神宗四十三年春上冊王寶正皇太后尊號曰寶太后

神宗四十四年春上冊王寶正皇太后尊號曰寶太后

神宗四十五年春上冊王寶正皇太后尊號曰寶太后

1874
189

